



鳴鳳記目錄

卷上

第一齣

家門大意

第二齣

鄒林游學

第三齣

夏公命將

第四齣

嚴嵩慶壽

第五齣

忠佞異議

第六齣

二相爭朝

第七齣

嚴通宦官





第八齣

仙游祈夢

第九齣

二臣哭夏

第十齣

流徙分途

第十一齣

驛裡相逢

第十二齣

桑林奇遇

第十三齣

花樓春宴

第十四齣

燈前修本

第十五齣

楊公劾奸

第十六齣

夫婦死節

第十七齣

島夷入寇

第十八齣

林公避兵

第十九齣

鄒慰夏孤

第二十齣

端陽游賞

第二十一齣

文華祭海

卷二十一

卷二十二

鳴鳳記目錄上

鳴鳳記上

第一齣 末上

西江月 秋月春花易老賞心樂事難憑蠅頭蝸

角總非真惟有綱常一定四友三仁作古雙忠

八義齊名龍飛嘉靖聖明君忠義賢良可慶且

問後房子弟今日搬演誰家故事 內應 是一本

同聲鳴鳳記 末 原來是這本傳奇聽道始終便

見大義

長樂郡 振錄西 請看本



滿庭芳元宰夏言督臣曾銑遭讒竟至典刑嚴嵩  
專政誤國更欺君父子盜權濟惡招朋黨濁亂朝  
廷楊繼盛剖心諫諍夫婦喪幽冥忠良多貶斥其  
間節義並著芳名鄒應龍抗疏感悟君心林潤復  
巡江右同戮力激濁揚清誅元惡芟夷黨羽四海  
賀昇平

前後同心八諫臣

朝陽丹鳳一齊鳴

除奸反正扶明主

留得功勳耀古今

第二齣

生扮鄒上

風入松燈窓十載困青氈矢志不窺園禹門一日  
翻桃浪那時逞百丈樓船霧起青山豹變雷轟滄  
海龍蟠鶴鳴天雄才銳氣丈夫豪寄跡衡門嘆未

遭袖裡虹霓冲霽色筆端風雨駕雲濤業孔孟  
志禹臯不效尋常士子曹養就經綸康濟策須  
教明主躋唐堯小生姓鄒名應龍表字德化原  
籍陝西長安人氏先人任浙江杭州府知事隨  
任到此豈遭不幸怙恃雙亡年幼家貧不能回  
籍因此入贅臨安沈氏僑居附郭村鄉俊髦雖

育片宮桃李未榮上苑然而爛爛錦心夙寓凌  
雲之筆稜稜玉骨方乘犯斗之槎志惟定國而  
安邦學必升堂而入室近聞得江西經元郭希  
顏因會試便道在我杭州西湖報國寺看書小  
生久仰其才學特欲往從矜式纔已別過荆妻  
不免就道而行正是欲求他日君臣會且盡今

朝師友功下

前腔

小生扮林上

藏修畎畝費精研未着祖生鞭

春風養就凌雲翅行看取一舉冲天筆底風雲席

捲胸中星斗光涵鷓鴣天文光瑞氣連天碧樓閣

功勳先世澤金闕朝歸笏滿床瓊林宴罷花半  
壁勉欽承勤績述驚世文章大手筆臥龍驚奮  
舊精神咫尺雲霄應可陟小生林潤表字洪澤  
祖居福建本貫莆田簪纓繼武相傳二百年科  
第流芳丕著十三省人稱無林不成榜自誇有  
士可希賢小生求聲影于先範勵進修于弱齡  
未能飛鞚詞林且學揚鏹藝圃爭奈蘭省無由  
踊躍雲程未遂翱翔久聞浙省多士欲尋明師



賢友切磋點化故此不憚千里之遙一路行來  
已到西湖上了待小廝看着行李在船自家開  
步一回果然好個西湖景

前腔山光四顧接湖邊勝概似蓬源天開圖畫丹

青現那里有個朋友來了人行處宛若羣仙生上

不禁無邊風月常留有興英賢這個是遠方朋友

想亦是鴻門之客老兄拜揖小生長兄失瞻了

生請問老兄高姓仙鄉何處小生莆田林潤晚

學書生老兄想就是本郡乞示尊姓生鄒姓應

龍臨安弟子請問到此貴幹小生久仰大邦文

獻特來游學從師生正是寸心千里不約而同

小生老兄亦有此意乞示明師同侍研席何如

生本郡師友雖多學生不敢謬薦上有江西經

元郭希顏偶在此報國寺看書小生正欲往彼

相從小生小弟亦久式其文望學回去生如此

就請小生年有長幼兄先請生地有遠近還是

兄先請行介生那個就是報國寺了林兄你看

湖水淨而長天碧烟光凝而暮山紫斷崖積石

磊磊然似我打不破的堅心古柏蒼松森森乎  
如我凋不殘的大節濃淡烟霞堪比仕途清濁  
參差花木猶如甲第後先豔天寶剎凌雲氣吞  
日瑤山噴火光到此地來寔添我壯懷也小生  
鄒兄你看岩穴崎嶇虎踞溪流旋遶龍蟠禪關  
寂寂鎖住了一點聖賢心嵐氣騰騰變化着萬  
種風雲態坐來時吟弄光風霽月閒觀處徘徊  
雲影天光好鳥枝頭亦朋友落花水面皆文章  
當此之時豈不助我文興乎生早上送過東帖

想只在此山房

阮郎歸

小外扮郭上

師顏祖孔究淵源斯文一脉

傳紅雲紫霧路三千浮名等曉烟朝中指湖光漱

灑接晴空山色有無中宇宙皆吾度內江山暫  
寄行踪文章班首揮毫萬字一洒成虹待學蟠  
溪兩截樂堯見舜同功我郭希顏經學忝魁江  
右行裝暫寓西湖惟求學足三冬豈望朋來千  
里不想今早有個東帖來說鄒朋友要相訪不  
免啓扉等候呀請進了生小生不敢相見介小



外豈有文章驚海內謾勞車馬注江干生小生

神交向恨關山遠今日相逢幸有緣小外那一

位是鄒兄生學生就是鄒應龍小外此位小生

學生是莆田林潤小外如此遠勞請問二位武

庫未窺旌旄先指有何見教生某等井蛙眇見

樗駑庸才先生負山斗之望抱天人之學敢撤

虎皮而就正有道願為假館以矜式大方小外

鄒兄默契當如周子豪傑豈待文王大才能自

心師學生豈堪相長小生先生立言必宗聖門

觀水必於滄海某等一貫未究乎淵源六經徒

得諸糟粕倘蒙時雨之化如坐春風之中小外

林兄南金不須艷冶卞玉何俟良工師卽在爾

同行學豈待吾僻見生先生不必過辭受某等

一拜生拜介

玉芙蓉才猷壓衆賢德望膺高薦喜吾邦有幸聿

增文獻道山學海功非淺孔思周情文可傳合平

生願必伊周始踐預擬經綸待時同對帝王前

前腔小生行雲舒卷篇止水清明見喜吾儕相遇

出谷喬遷夔龍禮樂承先範班馬文章勘墨鉛

前合

前腔

小外

雙雙鼎元來中青錢選論功名須是

趁此芳年二位學不在章句之間文正公秀才時

就以天下為已任你先憂後樂師忠彥由義居仁

效昔賢

合前

二位高才不必拘弟子之禮請回寓

所看書三六九日會文便了千聖本無心外訣

六經須拂鏡中塵

下生

林兄小弟有言相告

小

生願聞

千里相逢是非偶然小弟欲與尊兄

拜為兄弟况兄客途少伴就在家下作寓朝夕

相資三六九日到先生處會文未為不可

小生

承兄厚情只是愚意不安恐攪擾未便

生

斯文

一脉何如此峻拒况舍下離此不數里舉足可

到

小生如此從命就去

生

請了

行介小生

闖越

江山異鄉村風景同

生

小橋臨曲澗冷淡是儒

風此處就是家下得見光顧蓬華生輝先去打

掃草堂迎候

阮郎歸

旦上

春風吹水日銜山停針倦倚欄落花

狼籍興闌珊無心整翠鬟

生見旦介旦

呀官人你

烏鳳記

上七



早間纔去從師緣何就回了生有個莆田林友

同志相孚欲要拜為兄弟因請來到此旦如此

請過相見小生見旦介小生率爾造謁愧乏執

見之儀旦知子之來慚無雜佩之贈生林兄請

坐小生鄒兄小弟與兄結義非止外交面友而

已須要死生患難相扶事業功勳共建然後不

負初心生小弟正是此意小厮取香燭過來就

此對天同拜丑笑上心締交情結何須歎血盟

官人香燭在此二生同拜天生唱

玉交校神明默鑒為尋師喜逢大賢天風吹下鸞

凰伴棘林暫爾棲閒從今後呵應知管鮑重金蘭

不孤聞越携書劔合慶相逢千里有緣如始締百

年姻眷小生請問鄒兄貴庚生學生二十有三小

生小弟方年二十兄長三年從今後兄為長兄

小弟執為弟之禮長兄請上小弟有一拜二生

拜介

前腔小生身離海甸為論交得親範顏襟懷醇酒

春風面鰕生幸有依瞻從今後呵遊江休掛杖頭

鳥鳳記上八



錢聞鷄共舞燈前劍

合前旦

奴家相見叔叔亦有

一拜 小生

嫂嫂豈敢

小生旦拜

前腔

旦

家居清淡謝英才不嫌素寒門題鳳字承

留戀且須養晦林泉願叔叔與我官人呵瀛洲同

泛濟川船伊吾共仗屠龍劍

合前生

賢弟到西園

書舍中安歇叫小廝去舟中取行李上來

生湖海蛟龍未出潛

旦

蓬窓結義勝桃源

生小要將赤膽成匡濟

合

且向青燈共勉旃

第三齣

副未上

鳳閣龍樓位鼎台朝朝輻輳滿庭堦全家並受

君王寵總是書中讀得來自家是夏太師府中

院子姓朱名良原籍杭州城內一個裁縫向年

夏老爺起用在我敝地經過喚我去做衣服不

想段疋裡面都是金皮包裹我竟送還了夏老

爺因此老爺信我誠寔帶到京中用我掌管出

入呼爲朱裁而不名正是不戀故鄉生處好受

恩深處便爲家只是我老爺到京不以承家繼

嗣爲心惟以恢復河套爲事竊恐嚴家茹志不



能成功咳爲人臣者固當與君之難但恨我爲  
人僕者不能分主之憂如何是好道由未了老  
爺已歸朝矣

瑞鶴仙

外上

林壑悠閒地怪當朝僚友推尊宣諭

君恩載隆日效阿衡左右傳巖霖雨丹宸赤舄恐  
謂南山瞻具會芝田失種不堪回首謾縈心緒鷓

鴣天金闕岩峩殿影重殊恩常錫未央宮爵崇  
一品思君寵祿享千鍾愧我榮登紫閣拜丹楓  
鳳凰池上集夔龍越裳未奏來重譯願展東山

破斧功下官華蓋殿大學士夏言是也原籍江  
右別號桂洲官居九鼎之尊位列三公之首向  
因桑榆暮景蘭桂無芽乞骸骨于江西樂優游  
于林下何期薦章累上豈容臥謝安于東山詔  
命頻加終至召寇老于南海遂作下車之馮婦  
竟忘解組之兩疏再受君恩重叨國柄非敢謂  
斷斷休休聊以盡洞洞囑囑追想河套之地淪  
于土木之災虧祖宗之洪圖實臣子之大罪敢  
此運籌潛圖恢復昨已差都御史曾銑總制三

邊自謂得人但恐內有嚴嵩忌功外有仇鸞負  
固不能成就大功反使藉爲口實朝夕憂懣寢  
食皆忘夫人易氏憐我無子前在揚州娶一女  
蘇賽瓊用作偏房以圖後胤又恐他未閒婦道  
不免請夫人訓誨正是常將國事兼家事安得  
愁心易喜心朱裁請夫人養瓊出來 副末老夫  
人瓊姐有請 老旦貼上

點絳脣

老旦

紅杏飄香柳含烟翠拖金縷小樓朱

戶門掩黃昏雨

貼

燭影搖紅一枕傷春緒歸不去

維揚何處芳草迷歸路

老旦相見介

相公萬福 貼

老爺叩頭

老旦

相公憂國憂民固大人之任宜

家宜室亦人道之常既當退食委蛇何故臨風

長嘆 外夫人無官一身輕我爲有官所累有子

萬事足我爲無子所牽既歎報君之忠又失承

先之孝覩此白駒彈指豈堪華髮蒙頭

指貼介

况此妮子本爲繼嗣倘失教于今日恐貽悔于

它年望夫人早晚訓誨予心始安你聽我道來

桂枝香我功名韉繫身心萍寓自憐倦鳥思還誰



念孤鴻天際這愁懷怎除這愁懷怎除  
賽瓊願你習閒母諭保全節義謾思之趨庭未見斑衣舞  
勒鼎翻成墮淚碑

前腔

老旦

相公邊陲驚異雲山迢遞應知望重招

讒須要急流勇退把愁眉且舒把愁眉且舒  
賽瓊望你早傳麟趾永錫賢裔謾思之願將  
穆木連枝舉早見螽斯振羽飛

前腔

貼

柳眉攢翠花容憔悴慚非金屋嬋娟悞作

玉堂姻契願箕裘永垂願箕裘永垂相公夫人從

此見星入侍脫簪待罪謾思之除非夢協熊罷日

不負恩同魚水時

副末

稟老爺曾都御史來見

外

請進來夫人賽瓊迴避

老旦

苑內鶯簧方引調

貼門前車馬又喧騰

老旦貼下

夜行船引

末上

萬里干城膺重寄拜元戎威權極

矣嵩洛腥羶關河鼎沸願挽天潢一洗下官右副

都御史曾銑是也蒙差總制北邊特來拜辭內

閣纔已報過不免進見

相見介末

職任三邊懼

不勝外胸蟠萬甲素稱英末國家重地淪亡久



外捲上重來在此行未曾銑一介書生遂叨重  
任九邊將士並聽飛符誠一軍之皆驚愧六韜  
之未熟若不先參帷幄豈能出掌貔貅敢此拜  
辭并求方畧外曾先生國家大事鞞虜爲憂况  
此河套原爲我地不意巳巳之變遂淪左袵之  
區上厯宵旰之憂下混華戎之辨誠臣子枕戈  
待旦之時也此去膺長子帥師之任慎上兵伐  
謀之機小則效蠶食以復其疆大則奮鷹揚以  
搗其穴倘能雪耻酌先王除兇耀千古不惟功

在社稷抑且澤及生民矣先生勉爲之未謹領  
教學生就此拜辭拜介

三學士親總皇師辭帝里旌旗動鬼泣神啼破胡  
必用龍韜策積甲應將熊耳齊合看取單于來繫  
頸將功烈鐵柱題

前腔外暫解金龜掛鐵衣展胸臆萬甲光輝北門  
鎖鑰萊公在西夏威名范老齊合前未老大入學

生還有一言相告自古內無權臣然後外有良  
將學生此去倘或中制外監有謀無用區區一



身固不足惜竊恐有負老大人非國之心外聞  
以外將軍制之先生不必過慮未悲介

**前腔**我白面書生蒙薦舉當國難何以家爲老大  
人我只怕過河忽聽金牌召分閫空揚織字旗合  
**前**但願中朝無遠制文和武免猜疑

**前腔**外你擊楫中流志莫移恢土宇復整華夷會  
先生你須要闕氏血濺中原馬可汗頭梟太白旗  
合前

外塞北干戈戰血紅未專征一面拜元戎

外長城萬里君須寄未管取天山早掛弓

第四齣丑上

夜游朝博帶峩冠身顯耀登甲第始趨朝富貴情  
懷苞苴志量那管經綸廊廟金榜臚傳姓字題從  
今脫却破藍衣滿堂金玉重重富誰信當年一  
腐儒自家趙文華浙江慈谿人也名登黃甲官  
拜刑曹只是平生貪利貪名不免患得患失附  
勢趨權不辭吮癩舐痔市恩固寵那知瀝膽披  
肝且是舌劔唇鎗有一篇大詐若忠的議論更



兼奴顏婢膝用幾許爲鬼爲蜮的權謀陷害忠  
良如秤鈞打釘拗曲作直模稜世事如蘆蓆夾  
圍隨方就圓不學他一榜三百人賽過那八閩  
十六子我想起來若不乞哀于黃昏怎得驕人  
于白日惟有謹身殿大學士嚴介溪權侔人主  
位冠羣僚公子嚴東樓總攬朝綱裁決機務四  
方貢獻多歸其府滿朝顯要半出其門京中有  
大丞相小丞相之稱家內有真兒子假兒子之  
號爲何有假兒子之號但是大小官員拜他爲

父卽加顯擢故此門下乾子頗多下官久有此  
心無由進見且進見之時必有贄禮若不投其  
所好怎得重用因此費盡心機訪得今日是他  
生日預差人澆成一對壽燭外用金皮包裹雕  
刻五彩龍鳳內用奇方制度暗藏外國異香點  
上燭時百鳥皆來香烟結成福壽二字豈非無  
價之寶又訪得他新造一所萬花樓極其華采  
止少一條鋪單被我買囑匠人量了他尺寸前  
往松江打一條五彩大絨單鋪在他樓上實爲



曲盡人情那嚴東樓豈無所愛又將上好荆金  
打一個凖器用珊瑚寶玉箱嵌粧點奇異春画  
私奉與他喫不要說嚴東樓就是泥人也要歡  
喜起來他家書房內羅龍文門上牛班頭又各  
送銀一百兩求他爲先容之地亦可謂周到矣  
前項禮物并羹果昨已差人送過今日竟去把  
盞不免就行迤邐行來此間已是嚴府前了把  
門大叔在麼 副末應上 呀趙先生拜揖 丑背云  
怎麼不謝我待我問一聲牛大叔昨日小禮到

了麼 副末 呸我做公人的極怕倒駐昨日送得  
些東西今日就要倒 丑 不我問小禮曾送到  
否 副末 這個有了只是少些 丑背云 這個戲丫

麻一百兩銀子還嫌少哩 副末 你怎麼罵我 丑

豈敢罵大叔我慈谿鄉語但是敬重那人就叫  
他是戲丫麻了 副末 如此多叫我幾聲折了銀

子罷 丑 這個就叫戲丫麻戲丫麻嗟娘戲丫麻

副末 怎麼有個娘字在裡面 丑 娘者是好也 副

末 罷罷我不計較了 丑 多謝大叔扶持我且先

問一個消息昨日送七寶凜器大老爺懽喜麼  
副末 大老爺見了大惱說道他是奉承僚子不  
奉承我 丑 如此怎麼了 副末 趙先生不要慌了  
被我解說得好了我說道別人送禮不過口內  
吃的身上穿的耳中聽的眼前玩的也不爲十  
分奉承這個東西纔是呵卵拋的樣兒 丑 老老  
爺見了大单子也喜麼 副末 老老爺把那单子  
鋪在樓上只見一寸也不多一寸也不少那時  
不勝踴躍脫下了朝靴光光里打了十七八個

大滾

丑

這是個赤脚光棍了

副末

不是個赤脚

光棍那里稱得這樣大鋪

丑

大叔今日老老爺

壽誕特來祝賀煩你通報一聲

副末

如此少待

下丑吊場作醜態跪介淨扮嚴嵩副淨扮世蕃  
末扮羅龍文副末持壽燭酒上

寶鼎兒

淨

燮理陰陽調鼎老感荷皇恩深浩

副淨

瑤池日暖環珮風輕御爐香裊

末

祭戟門全家天

祿

副末

平沙堤獨行坦道

合

看人在花前花譜人

意同歡同笑

副淨

爹爹今日壽旦孩兒聊具春酒

鳴鳳記

上十七



以介眉壽淨今日是家宴分付門上倘有各衙

門官來賀止收禮帖免勞進見副末刑部趙郎

中跪門久了副淨爹爹這個且容他進來淨請

進來丑進見淨介淨昨蒙寶炬如錫百朋丑竭

盡寸忱仰祈萬壽副末厚貺重重拜嘉愧赧丑

庸才瑣瑣幸賴提携丑末相見丑羅先生英豪

幸聚一堂末趙大人喜起共期千載丑老大人

我趙文華一則為大人華誕聊稱壽觴一則欲

拜大人為嚴父少伸孝道淨多謝多謝副淨昨

日趙榮江見惠鋪單已知曲體人情這對壽燭

想亦非常淨如此就點上副末應點燭介衆看

介淨呀怎麼異香滿室百身皆來香烟上結成

福壽兩字果是無價之寶丑可見老爺福壽天

成故壽燭中亦顯此祥瑞淨笑介果然奇異丑

老爺請上坐待兒子送酒丑送淨酒

錦堂月丑鳳臘光搖龍涎瑞靄華堂恍如仙島南

極祥光當筵喜臨高照慶春風橋梓齊榮樂晚景

椿萱同操合齊祝禱願與國同休萬年壽考



前腔

副淨送酒

自小身拜龍樓名班鳳闕同歡月

夕花朝重慶堂開孫枝更喜克肖荷中朝誥捧黃

龍喜東海音傳青鳥

合前

前腔

未送淨酒

祈保天壽彌高皇恩克鞏永為策

勲元老鶴算綿延流年暗中重造喜瑤池王母增

桃看仙仗安期遺寶

合前淨

斟酒來待我敬了趙

羅二位老爺

前腔

淨

垂老華髮蕭疎韶光荏苒漸看不同年少

廣集英豪只指望輔車相保喜一門六貴同朝羨

五色全家封誥

合前

醉翁子

丑

聽告從今效螟蛉子道望恩相維持仁

兄引導

淨

歡樂會風虎雲龍羽翼相從膽氣豪

合

樽傾倒看海屋籌添旭日雲高

副淨

承教論吾翁

是當朝顯要且竭力趨承盡心倚靠

未

堪笑那戇

士狂生獨立無親狂自勞

合前

僥僥令

丑

花香沾繡襖

淨

酒色映宮袍

合

但見躋

躋黛眉吹鳳管連袂奏鸞簫舞楚腰

副淨

春光雖

易老

未

春景任遊遨

合

直飲到興盡酒闌歌舞罷



明月上花稍轉斗杓

十二時謝天謝地謝皇堯  
巽默佑無疆壽考惟願

甲子循環轉一遭

淨

趙榮江我門下惟有鄼懋卿

最幸今日你又在他上了明日就陞你爲通政

一應奏章都是你執掌

丑

多謝老爺

淨筵開相府勝蓬萊

丑

壽比岡陵位鼎台

衆海外奇珍爭獻納

合

君王又進紫霞杯

第五齣

生扮揚上

高陽臺司馬清曹郎官節鉞微名已序  
鴛列光岳

攸鍾須知要守全節聞鷄蹴起英雄志  
看手中逆

豎頭裂怕爲臣尸位忘言未成功業  
滿江紅執笏

彈冠相慶處九重恩渥凝望眼豺狼當道  
設縈

心曲齧雪常持蘇武節埋輪要挽張經轂  
恐須

臆白了少年頭愁眉感遇時艱何須卜事  
君數

何愁辱笑談揮羽扇掃盡塵污炎酷三策  
驚分

邪佞胆一言寒却奸回肉看那時自在解  
朝簪

歸山谷下官楊繼盛直隸容城人也忝中李  
春

芳榜進士除授兵部車駕司主事夙秉精忠  
素



明大義近日夏太師欲恢復河套差都御史曾  
銃督兵前去爭奈總兵仇鸞素蓄不臣之心每  
挾和戎之計不肯發兵相助反欲交通馬市又  
將銀三千兩買囑權臣嚴嵩內外同謀陰排曾  
銃下官目覩巨奸豈容不奏先把仇鸞一本就  
將此揭帖明告嚴嵩使他知我假途滅虢之計  
消彼得隴望蜀之謀豈非一舉而兩得乎正是  
要爲天下奇男子須建人間未有功此間已是  
嚴府門上通報兵部楊主事要見

內應

奉老爺

鈞旨道我門無私謁楊主事免勞進見

生有公

事相稟再報一聲

內應

既有公事明早入朝共

議不必在此纏擾

生

好個納言宰相是了昨日

本到通政司掛號想趙文華報知故把我峻拒  
也罷就到趙文華家去使他轉達嚴嵩有何不  
可迤邐行來此是趙家門首待我進去看他何  
言門上報兵部楊爺要相見

內應

老爺要去嚴

府議事楊爺下次來罷

生

哇如此無禮再去報

內應

楊爺不要惱老爺出來了



番卜算

丑上

尺蠖欲求伸卑污須自屈昨陞通使

與叅謀職在司喉舌

生

趙老先生拜揖

丑

楊先生

失迎了請坐小廝看茶

副淨應送茶上丑

請了

吃茶介丑楊先生這茶是嚴東樓見惠的何如

生茶便好只是不香丑香便不香到有滋味生

恐怕這滋味不久遠丑楊先生到舍有何見教

生送揭帖介老先生看這帖兒就見其意丑是

送禮了何勞厚賜作揖介生不是止敢是請吃

酒不當厚擾又揖介生不這是學生上本的揭

帖丑背云鬼蒐又來了生老先生請賜覽丑按

介如今不叫做本叫他是蟋蟀鳴生那有此說

丑今人處世就如蟋蟀一般閉口深藏舌安身

處處牢若還開口就是催死了生人孰無死寒

蟬鳴古木便死也清高蠅蚋墮泥坑那閉口的

只覺死得污濁些丑這本且謾看請問所奏何

人生是仇鸞丑仇總兵是個好人常有禮物送

到嚴府帶挈我們也是有的先生如何劾他生

他按兵不舉交通馬市叛逆顯然丑咳先生管

甚麼閑事如今做官若要保全爵祿還是淹慎  
為上生老先生說那裡話我楊繼盛呵

高陽臺性秉鋼堅心貞冰潔豈因五斗腰折丑不

為爵祿為着甚麼生我祇為那當道豺狼無人抗

疏能說丑先生又不是諫官這本也儘罷得生怒

介中熱奸臣賊子須誅討豈必定拾遺補闕丑他

也沒有甚麼奸處生還說不奸看斯人和戎易馬

行同陵律丑楊先生待我打個關節與仇總兵教

他多將金帛送你這本不要上罷生老先生如

此小覲下官莫說金帛就是三公之位此心斷

然不易

前腔休說貨餽兼金賂遺荆璧教我怎移忠節丑

就受了些貨餽也沒有人知生清白流風暮夜四

知難滅丑差別却衣凍死誠細事美昔日郭家金

穴你要盡忠慕虛名空言無補笑伊愚拙楊先生

你既不為利也要避害那仇總兵與我嚴相公

最厚此本一上咦我到不好說得恐投鼠不着

誤傷其器畫虎不成反類其狗那時悔之晚矣



生 不要說有害就死也何辭

前腔轟烈六尺微軀一腔忠義肯使行虧名缺丑

人生在世也不要太輕生了生為國捐生何慮粉

齏骸骨丑迂濶為臣豈必烹五鼎笑狂直比干宗

絕楊先生你急回頭休思逆耳謾勞饒舌副淨稟

老爺嚴府相請丑如此不得款留了

尾聲生我呵封章明日朝金闕從頭細將那佞列

丑只怕未信君心你也空自說生你念念不忘嚴

府恐被他人笑罵丑笑罵由他笑罵好官還我

為之請了改日相晤生嘆安得上方斬馬劍盡

教斬却佞臣頭丑不別下丑吊場這畜生揖也不

作一個竟自去了小廝他口裡說些甚麼副淨

他說要斬佞臣頭丑哇可惡這廝買乾魚的放

生不知死活副淨老爺還是送流年的沒春不

識好歹丑不是我老趙誇口只消我畧把口來

一動先斬那忠臣頭郭碌碌滾將下來副淨老

爺凡事不可預料倘若朝廷准了他本陞了他

一個大的官那時却怎麼丑那時我就撥身轉



來就如奉承嚴家一般奉承他了副淨若如此

太覺勢利了丑當今天下皆尚勢利我就做一

個勢利的頭兒有何不可副淨正是富貴不可

測時勢須當識丑人前放個屁也要看風色

第六齣 外上

鳳凰閣官居台鼎廣集衆思同輔政謾憂朔漠有

王庭還懼朝端添儉佞衷心耿耿保天府萬載無

傾謁金門愁脉脉忍見塞鴻飛北旁午羽書盈案

積悶懷堆幾尺不憚汗流終日豈作中書伴食

朝內奸雄除不得誰人同着力我夏言志存報

國力恢河套前日差曾銑督兵幸他紀律嚴明

謀猷練達可謂文武全才爭奈仇鸞這廝按兵

負固不肯相助曾銑屢請援兵又被丁汝夔等

以固守城池爲辭若再不救援前功盡棄想是

嚴嵩怪我老夫執政又忌曾銑成功致令邊將

寢兵英雄喪氣如何是好今日特請老成部院

商議且看嚴嵩議論若何副末禮部李爺都院

周爺來了小外末上



宰地錦襜

小外邊城塵土暗滄溟勒石燕然未有

人

末

設勞臺閣費經綸補衮分憂志可矜小外下

官禮部尚書李本是也

末

下官左都御史周用

是也蒙夏太師相招議事不免進見

相見介外

救時無善政

小外

坐鎮有清風

外

願借匡扶力

末

同收擊楫功

外

二位請坐

小外末

不敢

副末

嚴爺到了

外

請進來

菊花新

淨上

親臣密邇佐明君順旨承顏稱寸心

邊塞羽書聞但幸中原平靜

相見介淨

下官有事

來遲仰祈恕罪

外介

溪公釋政而來足仰盛情

淨

二位勞待了

小外末

學生輩禮應伺候長者

外三位請坐

衆

告坐了

淨

啓太師兵部丁汝夔

下官委他點盤軍器不得進見望太師鑒原

外

今日是他職分之事也該來議既是介溪公有

所委托也罷了

淨

請問老太師有何見教

外介

溪公你還不知胡虜犯邊烽烟不息督臣待救

帷幄無謀皆我與你兩人之罪如何是好

淨老

太師醜虜陸梁自古有之三皇不能化悔五帝



不能程督故漢室和親唐家納幣典午當衰五  
胡雲擾靖康失討二帝蒙塵觀此虎狼之威終  
是犬羊之類今日之禍必是梟悍守臣不遵朝  
命效甘延壽之開邊蹈馮奉世之生事致使虜  
騎長驅犬戎犯順然小醜盜弄潢池終無能爲  
也爲今之計不過戒嚴將士固守城池爲上若  
使戀戰貪功必致喪師辱國何如明先王荒服  
之道峻四夷出入之防爲長太師以爲何如外  
介溪公差矣先王守在四夷謂彼此各有界限

王者不治夷狄謂華夷不可相侵未聞中國淪  
喪置而不較者故石敬瑭獻地契丹罵名萬代  
金國主捐燕蒙古遺臭千年况此河套一方沃  
野千里我祖宗披荆帶棘開創何難到子孫東  
手閉門委棄甚易赤子蒼頭悉爲左袵玉容粉  
面盡被腥膻迢迢古道積橫屍凜凜朔風飄怨  
血此誠我臣子所不忍見聞者秦襄僅春秋之  
一國尚欲復九世之仇賈誼爲洛陽之少年猶  
思繫單于之頸我和你旣專聖朝忝爲宰相固



宜滅此而後朝食乃甘于喪師失地天下後世  
謂我等爲何如人也介溪請自思省淨太師大  
抵建功立業也要度德量力趙有李牧匈奴不  
敢近邊蜀有孔明南人不敢復反苟非其人必  
難成事况河套之失咎在前人今旣沒于北虜  
卽爲朔漠之鄉得其人不足臣得其地不足守  
故牛僧孺不受悉怛賈捐之請弃珠崖古人所  
爲必有定見武國家四海盡屬版圖何在彈丸  
黑子百萬日增戶口那須屑爾蒼生若追踰垣

之賊必引斬關之盜曾銑白面書生未聞軍旅  
前旣輕爲以取其敗豈可重發而喪其功以下  
官處之先斬曾銑鞞虜自退外怒介嚴介溪你

如此說南朝可謂無人矣大抵子不能爲親承  
家卽爲不孝臣不能爲君開國卽爲不忠故獻  
納二字富弼強爭睢陽一城張巡死守忠臣賢  
將何代無之顧用與不用耳道濟若存胡馬豈  
容南牧李綱見用趙家豈至北轅若中有忌功  
之臣則外無建奇之將盧杞用而懷光叛秦檜

相而岳飛死豈非孤忠被誣之故與今曾銑有  
樂羊子之忠不免謗書一篋仇鸞有姚令言之  
悍反加錫命三章忠邪莫辨用舍不明時事可  
知矣我老臣不能爲玉燭于光天豈忍見銅駝  
于荆棘明日奏過聖上親總六師鞠躬盡瘁死  
而後已不必再議淨太師且不要發惱自古道  
順天者存逆天者亡皇上久厭兵革方與邵真  
人修延熙萬壽清醮太師要興兵先已逆天了  
外怒立介二位看他言語就見心迹正所謂長

君之惡其罪小逢君之惡其罪大皇上修真打  
醮必自小人導之你就是個閉門修齋的王欽  
若了淨這是聖意與我何干我不打緊你且不

要謗毀聖上外怒介

北端正好恁說是俺謗毀明君違了天命不知是  
那一個諂佞公卿把君權侮弄乾綱紊間沮了忠  
勲俺這裡兀登登按不住心頭忿小外老太師且

息怒外効微忱櫟死捐生做不得拂鬚叅政俺待

要對天朝明訊于君聽淨我與你同爲宰輔只是



未達一間耳也不要太欺侮人

倘秀才

外

俺這裡持身剛正你說甚麼太欺人誰

知是你們作孽俺和你矢天日辨個忠誠

末

老太

師此心表表可見

外

俺待學會澶淵提着過河兵

俺待學擒元濟安着淮蔡民祇爲那金甌破損你

不救那曾銑呵却不道把檀道濟壞了長城

小外

足見老太師憂君爲國之心

外

俺只是二心分破

了帝王憂兩條眉鎖江山恨祇看俺的雪髯星星

淨

你是忠臣我到是奸臣

外

還說不好

滾繡毬你闢私門賄賂行半朝臣皆從順你狠吞

虎噬傷殘了萬民百姓害得那有功臣百事無成

你是個老秦丞再生奸佞私寢邊兵迎合着君王

性何異那守天雄束手無門

末

老太師且息怒嚴

太師必無此心

外

則教你一時富貴如朝露萬古

奸回遺臭名仔細評論

淨

罷罷我自去了讓你忠

臣多做幾年要爲匿怨求名士且做吞聲忍氣

人

下外

南渠白川二公你看這奸雄竟自去了

我明日親自面君先除奸佞然後行師

小外

老



太師自古道去河北賊易去朝中朋黨難忍耐  
些罷末老太師二虎不共鬪相如所以屈廉頗  
兩賢不相克王濬所以讓王渾還是慎重爲上  
外二公曉得我平生剛介倘有不虞何惜一死  
煞尾我夏言呵猛拚捨着殘生命不學他覩覩依  
回苟祿人接踵奸雄與日增翹首邊塵何日清怕  
聽嘶風胡馬鳴恐見中原戰血腥誰犯龍顏願剖  
心誰向燕山去勒銘追想高皇萬苦辛可惜了二  
百年的基業無人整呀將俺赤惺惺的一片丹心

化成灰燼

外籌邊無計問如何

小忠佞由來是兩途

末酒逢知己千鍾少

合話不投機半句多

第七齣

淨上

探春令入朝劔履寵光鮮滿皇都爭美暗通奄豎  
借威權看指日讐家殄恨小非君子無毒不丈夫

夏言這厮侵我朝權反加斥辱昨與衆官商議  
一心要援會銑因我執意不從他要面奏聖上  
爲此連夜回來賄通內監打聽上方欲修醮他



本犯不敢進前日被我心腹劾奏曾銑兇滅軍  
餉妄動失機聖旨已批拿解來京斬首無疑矣  
夏言舉薦非人誤國大事皇上方在震怒我欲  
乘機再托心腹劾奏夏言假借復地每歲逼取  
料邊軍常例銀二萬兩以致將士離心喪師辱國  
謗毀聖上謀立東宮等事嘆夏言夏言此本一  
上你不知死所矣只是他是個老臣未必加刑  
訪得皇上兩個謹身太監素惡夏言剛直不通  
賫賄今日乘他落班特請他來用幾句言語打

動再將些金銀啖他教他以漸譖愬激怒聖心  
必然處斬奸計奸計 老旦丑扮二監上

西地錦 老旦 貂帽時瞻仙仗黃衣日染天香 丑 權

傾司禮驚東廠不比以下中常 相見介 老太師拜

揖 淨 二位老中貴拜揖 老旦 老太師賀喜 淨 老

夫何喜可賀 老旦 老太師還不知上位正要罷

兵見你的和戎本不勝歡喜正要打醮見你的

修齋本一發大喜了明日就來召你監齋道場

完日封蔭三代豈非大喜 淨 承見報了請問二

位原籍何處丑俱在大同地方淨近日有家信

來否老旦便是沒有淨我也報你一信又恐驚

了二位丑但說不妨淨近日鞏虜攻陷大同地

方殺了無萬生靈千里已絕無烟火想二位宅

上俱被害了二監悲介身為刑餘又絕宗族豈

不苦殺人也淨這都是夏桂洲要用兵以致如

此老旦若如此酒家宗族是夏言滅的一般了

丑平日不採酒家今又害酒家一門後有會期

就是酒家親父也不饒他淨老夫過蒙二位扶

持無以為報小廝擡禮過來二末應擡金一輸

得自己財贏得他人首老爺黃金在此老旦這

是甚麼淨荆揚好金二千兩送與二位買小菜

吃老旦生受多次這厚禮決不敢受丑咦好金

子好金子你不受我自受了打一個金人跳一

跳老旦金人怎麼跳得動丑你不曉得如今的

世界錢會擺銀會度有了金子豈不跳將起來

老旦只是受之無以為報丑左右把老夏出稍

了淨小廝竟擡到二位私宅教管家收下二末



應下老旦丑

多謝多謝不知太師還有見教否

淨 若有人劾奏夏言事無不實全仗二位因風

吹火 老旦丑 這個不須叮寧自有擺佈的手段

淨 二位聽我道

泣顏回 那老賊呵一旦擢高官恃君恩獨掌朝權

况他性存剛愎把汝輩土視塵看微功動虜烟害

良民肝腦塗荒甸且覩他謗訕君言豈容他骸骨

歸田

前腔

老旦

聽言賢相免憂煎我私讐欲報厚貺相

兼天顏喜怒暗地裡消息來傳這傀儡苟延須有

日疏奏君王面那時呵仗胸中百煉飛鏢管教他

七鬼歸泉

前腔

丑

老年富貴不歸園反相排同道侵奪人權

驕情傲態欺陵咱狗尾蝮蟬看危亡眼前恨不得

一刺魚腸劔 老太師不須你貨餽金錢管教他血

濺京川

淨

當朝夏桂洲

老旦

堪笑沒來由

丑

天晴不肯走

合

直待雨淋頭

第八齣

副末上

琴劍相逢浙水東孤帆江上掛秋風經綸功業  
匡時志盡在仙游一夢中自家是鄒秀才家裡  
一個小童我官人自從與莆田林官人結義兄  
弟相從郭相公講書會文今郭相公已上京會  
試林官人要辭別歸家聞得福建有個仙游地  
方其神靈應凡富貴功名未來之事俱在夢中  
預報先機朝內公卿江湖商賈到彼祈夢無有  
不驗兩位官人亦欲往祈一夢以卜終身且是

林官人回家便道我官人并要送他一舉兩得  
行李已備着我雇個船兒遠遠聽見歌聲想是  
有船來  
丑唱山歌搖船上山外青山樓外樓

西湖歌舞幾時休只是我個船家犯子個徒弟  
命一世麻繩拽到頭  
副末搖過來我教你福建

地方去  
丑弗見了地方教我怎麼去  
副末福建

仙游縣去  
丑載甚麼寶貨  
副末止有兩個秀才

丑去賣醋了  
副末是秀才官人要去祈夢  
丑搖

頭阿嚏不去不去  
副末怎麼說了秀才就不去



丑 他要賴我的船錢 副末 那見得 丑 秀才是一個

儒者書上說道先儒以為賴也 副末 撐船的也

要通書 丑 我浙江文獻之地蝦蟆也是會讀子

曰的不要說我是詩禮船家 副末 一去一回你

要許多船錢 丑 仙游去路遠哩也得三年回家

來 副末 那裡消許多時 丑 你不曉得由也為之

比及三年 副末 不要通書了我與你直講 丑 直

講也賣三分一部 副末 就是二兩銀子我就搬

行李來了 下

鵲橋仙 生上 閩山越水畫圖間人聚散愁眉難展

潮平增濶舊江邊頃刻見帆花飛電 小生 鄉心縈

繾朋情留戀從此雲山隔遠 合 明朝同問九姑仙

試說向何年高薦 小生 長兄經年厚擾兼領教益

雅愛高情何時補報 生 賢弟無限別情不勝羨

愴關山迢遞後會難期 小生 但願同登金榜共

序鴛班那時相親有日 生 榮枯有命富貴在天

全憑此去一夢 丑 相公船家拜見 生 你的船寬

大麼 丑 好致廣大而盡精微只是船底畧有些

漏如今相公下去也沒事了君子居之何陋之  
有生且少待

霜天曉角未上文場鏖戰未遂登庸願爭似白鷗

江上忘機正好閒眠相見介二生先生拜揖未二

位兄長拜揖生請問先生高姓仙鄉何處未學

生姓孫名丕揚陝西富平人氏客歲忝領鄉薦

今春敗北禮闈因家叔在貴處為商隨來游翫

湖山勝景以遣悶懷偶步江邊得接二兄但不

知貴姓并欲何往生學生臨安鄒應龍此友箭

田林潤千里從師一心相契茲因功名未遂特

往仙游祈夢未如此大志必然高捷但學生有

一句不識進退的說話不知二兄容否生願聞

未當今小人得志季女斯饑學生雖得僥倖未

知究竟如何亦欲附舟去祈一夢望二兄見帶

何如生四海之內皆兄弟就請同去小生先生

請下船未煩二兄少待學生到寓所說一聲就

來下丑這個相公我的船你做人情我不去載

他生這是一個舉人相公怎麼不載他丑呀呀



敬鬼神而遠之便好反招引他在船裡是青白  
日裡撞鬼了小生你不要說我加你一兩銀子  
罷丑若如此再搭得二三十人還好哩末上二  
兄勞待了丑三位相公坐定待我開船你看我  
的船也不要搖櫓也不要扯撐又不要使風干  
里之程頃刻就飛了去衆那有此事丑相公到  
不曉得書中云然非歟曰非也生不要胡說快

行路

朝元歌

末

蒼茫遠天霞映湖山掩潺湲淺川風急

江潮濺盼望家鄉雲低隴甸身似天涯飛雁暮北  
朝南功名豈隨蝴蝶翩愁蹙兩眉間鬼勞一夢牽  
令仙游非遠咫尺遇鬼神先見鬼神先見丑笑介

這相公唱得好我也唱一個山歌何如衆也使  
得丑相公今日上仙游要做官時再去夢裡求  
只是我個船家命裡當悔氣教我灣塘拽撐幾  
時休休回首欲斷魂數聲啼鳥不堪聞衆好到  
是歌頭曲尾兒

前腔

生

萬里江拖素練雲飛嶺欲顛山側月難圓

鳴鳳記

上三十八

輕泛孤蓬縱橫水面心似清波一線千頃汪洋  
臺豈思雲女仙養就性中天憑伊夢裡傳

合前五

鄒相公也唱得好我也再唱一個歌頭曲尾兒  
我替相公一樣年我做船家你要去做官世間  
多少弗平事弗會做天沒做天天將晚日已曛  
一聲殘角斷樵門

衆也好

前腔

小生

滾滾浪花雪捲歌聲起白鷗檣影亂青

天野樹江雲相隨同轉名似浮漚江上聚散茫然  
高宗豈知良弼賢欲棹濟川船先期夢卜言

合前

丑林相公又會唱我也再唱一個相公祈夢要

做官人行子山程又水程看看來到仙游縣我

只怕欠子船錢無處尋尋宿處行步緊前村燈

火已黃昏三位相公此間已是仙游了請上埃

去待我扎住船兒在此等候總然一夜風吹去

只在蘆花淺水邊

下末生小生

果然好個聖迹

待我先作一揖然後去尋廟主

叫介

廟主有麼

且扮道士上  
洗硯魚吞墨烹茶鶴避烟洞門深

鎖處別是一壺天三位公相拜揖想來祈夢了



衆正是旦公相有其誠則有其神有是心亦有

是夢先說姓名鄉貫三位拜禱然後待小道讀

疏未富平孫丕揚生臨安鄒應龍小生莆田林

潤旦請三位拈香拜介

皂羅袍合幼負觀光深願敢同心千里拜謁先賢

未劉黃初下對庭箋生小生仲舒未吐天人見合

功名富貴雖云在天吉凶休咎須知預占清宵顯

應華胥殿衆跪介旦伏以寶鼎兒玲瓏七犯青玉

案燭影搖紅行香子拈上綺羅香尉遲杯酒洒下

沽美酒堂上奏起大聖樂庭前唱動普賢歌全

憑玉女傳言須用金人捧露奉請天仙子江城

子八六子降臨遶佛閣相迎瑞鶴仙臨江仙鵲

橋仙同坐慶春宮老廟主作四朝元小道士奉

五供養字字雙念出歌頭調聲聲慢聽我訴衷

情茲有信士孫丕揚鄒應龍林潤等倘秀才初

入青門引南鄉子未得御街行日日鎖南窓十

二時用功不息夜夜別銀燈千秋歲志願不休

步蟾宮要折桂枝香謁金門欲去朝天子爭奈

事業猶如風中柳功名好似浪淘沙雖嘗望遠  
行未能好事近依憑卜算子來見菩薩蠻同過  
小重山願入華胥引乞差二郎神到高陽臺顯  
一如夢令庶使三學士應南柯子皆得錦衣香  
錦纏道上歸朝歡晝錦堂內齊天樂伏願洞仙  
歌東風齊着力三位公相你金錢花送入我門  
來衆師父有勞了

間必有報應

旦下

三人隱几作寤介淨扮金甲

神上

天地大公鬼

神明鑒報往知來昭昭如見

看得鄒應龍等三人夙抱經濟之才素懷忠義  
之氣他日誅佞除奸安邦反正皆賴此三人之  
力今來祈夢上界差我預顯靈應不免將他終  
身事業口占十二句教他各入牢記四句孫丕  
揚聽首四句三人名一在內千一來高山退鄒  
應龍聽中四句高山退功爲最八丘同南北異  
林潤聽末四句南北異木之川郡無君諸不言  
你各人牢記着後必有驗正是大抵乾坤都一  
照免教人在暗中行

下衆作醒介



如夢令半熟黃梁方戀數點殘鐘敲斷奇哉奇哉

果有異夢道士上神仙明要訣卿相得先機三

位公相賀喜請問孫相公有何吉夢未學生夢

一金甲神贈十二句口占教我記首四句且甚

麼四句未三人名云云且好夢好夢鄒相公有

何夢生亦夢金甲神教學生記中四句云云且

好奇夢林相公有何夢小生就此金甲神教學

生記末四句云云且三夢相同諒必俱是大貴

人也衆請師父解一解何如且這是仙機直待

後日自有應驗凡人斷解不出總是做官的吉

兆衆多謝多謝且還有一句話若是讀書便能

做官若不用功只是做夢三位請到後房素飯

衆不勞罷就要下船去了

未孤舟同泛到南瀛生止爲周公道未行

小蝴蝶夢中家萬里且杜鵑枝上月三更

生第九齣小外上

謁金門朝命降不覺重裘流汗心訝奸謀緬懷忠

鯁幾迴腸欲斷未上十載功銘鼎鉉一旦遽罹刑

鳴鳳記上四十二

典凜凜朔風天際暗葵心飛散亂

末

李大人拜揖

小外

周大人拜揖踏莎行

小外

帝室堂堂王臣

蹇蹇孤忠自立誠難免豈堪螳臂挽車輪徒思

仗劍除奸險

末

秉正萊公嫉邪王且十年欽若

藏深怨李膺誅僂范滂囚紛紛國事知時變李

大人今日聖旨倒下將夏太師付市曹處斬我

和你既有僚友之義不免狐兔之悲欲同大人

到法場上與他一永訣何如

小外

咳周大人元

臣誅戮國事反常耳且不忍相聞目豈容于親

見下官今早已差聽事官去打探消息大人只

在小寓待他回報再爲之處

末

李大人自古未

有首相典刑之理夏太師雖在危迫豈無一忠

直之臣保救元老以全國家體統

小外周大人

嚴介溪交通內臣譖愬已入聖心久矣况今文

武臣僚多是他家羽翼言路官員箝口結舌尚

恐禍至誰敢捨身力救

末

若如此桂洲公休矣

老天那如何是好

小外

他也自有些不慎密

末

却爲何



紅衲襖

小外

他恃着屠龍手氣冲天誰想道騎虎

勢行山險他做了蕭望之逢石顯他做了趙宣子  
遇屠奸他做不得亡家遠竄的窮張儉怎學得薛  
毅歸山的松子仙早知道功高望重招讒也爭似  
桑田十畝閒

未

李大人夏公也只是不識人

前腔他指望並鷓鴣班馳後先誰想道獨飛鴻遭  
冷箭那嚴老呵他是個李林甫腹中劍他是個李  
猫兒笑裡奸他待學妨賢病國的盧藍面何異那  
平生奸偽的老曹瞞夏太師呵可惜你當朝倚重

元臣也却被牢籠入死關

小外

周大人夏公雖有

小過亦有大功今日朝廷處得太過了些

前腔他也曾鳳池環珮賜經筵他也曾龍樓著作  
修墳典他也曾和羨妙手調金鉉他也曾舟楫宏  
材濟大川縱然使蕭相國拘獄犴難道比淮陰侯  
付市廛今日呵亮工補闕俱忘也須信爲臣難上

難

未

李大人聞言興慨觸目驚心夏公一死不打

緊

前腔驚得我戰兢兢歪了鐵豸冠驚得我荒忙忙



失了白象簡驚得我氣漫漫冲倒了朝陽殿驚得我  
我鬧炒炒踢綻了皂靴尖做甚麼持風裁烏臺憲  
那裡有敢回天青瑣言今日呵擎天柱石俱頽也  
一死須教輕泰山小外周大人此時尚未有消息  
或者夏公得生了末若如此不惟全了朝廷體  
面我輩亦與有光小外只是一件夏公尚未有  
子倘有不虞是忠孝兩忘了末李大人還不知  
聞桂洲幼妾蘇賽瓊有娠倘生得一子亦不絕  
了忠臣之後小外可喜可喜若果然生子是夏

公爲我朝之趙盾嚴老爲當世之岸賈但恐程  
嬰杵白無其人耳這也是身後之事萬一不免  
妻孥就該流徙皇上方在震怒這屍骸誰與收  
葬末這也不難下官當以身任之彭越死而季  
布哀董卓亡而蔡邕泣各盡其心而已何禍患  
之有小外此際已是午牌時分如何還不見回  
報小生扮听事官上駭聞破膽驚天事來報同  
心輔國臣聽事官叩頭小外你回來了夏老爺  
事情何如小生小的一言難盡小外你且起來



謾謾的說個詳細小生

東甌令承鈞旨親視閱小外那時却怎麼小生

的到教場中只見人馬重圍鎗刀密布被我撞將

進去萬刃叢中穿破穴小外曾見夏老爺麼小生

小的見夏爺呵赤身綁縛髮蓬松領後旌旗插小

外還見甚麼人小生見兩旁立着劊子呵虎狼開

吻同蛇蝎膽落心驚裂未却無人救他小生咳周

爺

前腔畏奸雄言路絕未可有人惜他麼小生小的

只見監斬官與衆人呵面面相看聲痛咽未那夏

老爺却是怎麼小生那夏老爺呵低頭惟願早歸

泉淚滴湘江竭未那時怎麼結果了小生那時只

見一騎飛馬前來小的將謂是留人却說時辰已

到監斬官不得久留霎時間只聽得喧聲震動刀

飛雪斷却常山舌小外未哭介夏公果然斬了好

苦殺人也小外周大人有這等非常之事

四邊靜太山顏陷梁木折憑誰挽傾轍憂國更思

臣衷腸大刀折合傷心事切淚珠難徹萬里接天



江長流怨臣血未人孰無死只是他死得不明

前腔孤忠此恨何時滅無辜死縲紲朝隣亂南山

妖氛蔽忠烈合前小外夏太師這一死呵

前腔御冤負屈心千結無由告金闕小生二位老

爺小的見夏爺死時呵怨氣滿乾坤今生與誰雪

合吞聲飲泣故人永別荒草暗愁雲啼鵲帶歸血

未時事如此吾輩做甚麼官

前腔兔亡鳥盡良弓絕空勞盡臣節小生二位老

爺夏爺臨刑還有一句說話小外他說甚麼小生

他說道寄與後男兒休將簡編閱合前

小元老孤忠節義高未誰知中却笑中刀

小身騎箕尾歸天上合氣作山河壯本朝

第十齣副未上小菩薩蠻晉誅趙盾情何刻楚逐伍員須滅迹冤

菩薩蠻晉誅趙盾情何刻楚逐伍員須滅迹冤

淚逐江流開花滿地愁客散西堂別燕語空梁

月患難去相投何人是孔褒我朱裁隨夏老爺

到京指望終身倚靠不想我老爺為收復河套

因與嚴家不合被他陷成案獄竟至典刑昨日



成殮已停柩在城外西寺又被嚴家羽翼奏請  
罪人妻孥該流五千里外冷早霜下將我老夫  
人并家小流到廣西全州安置為此家奴侍婢  
個個逃竄所存惟管家老媽與我朱裁夫妻而  
已觀此淒涼風景不容不淚出痛腸悲介還有  
一節大不堪事我小主母賽瓊姐懷娠五月倘  
得生一子亦不絕了夏氏一脉但恐嚴家曉得  
或在路途用謀或在地方陰害那時節連我兩  
命益夫及性命俱倘不可保豈能復存後嗣為此

已定下一計且待老夫人出來與他商議

霜天曉角

老旦占泣上老旦

來侯成案災禍重重

見占堪悲死別在黃泉又苦生離荒甸

副末 老夫

人小主母朱裁叩頭點絳脣老旦鳥去巢危未

知飛止于誰屋副末飄零骨肉生死同臣僕占

揉碎胭脂滿地污香玉副末分飛去萋萋芳草

誰唱陽關曲老旦朱裁相公既遭刑戮我等卽

該流徙但不知流在那裡地方幾時解去副末

稟老夫人知道在廣西全州限明日起程了老

但天那苦殺人也抱沾哭介

哭相思老旦骨肉一朝皆拆散分崩五內添悽愴

副末老夫人小主母左右是苦了且不要啼哭

小人還有一言告稟老旦有話但說副末老夫

人人無遠慮必有近憂今日我老爺雖死幸得

小主母懷五月之娠倘生得公子是謂不死只

是那嚴賊既結那殺身亡家之仇豈無去草除

根之念此去全州五千餘里路途遙遠難保無

刺客奸人弱質衰年焉知不中傷受禍倘有疎

虞我老爺後嗣從此絕矣海天太恨何時得雪

老旦我也慮及于此只是無計可施副末小人

有一計不知老夫人聽否小人原是杭州頗有

故鄉親戚老爺在日嘗問我托妻寄子待我小

人與妻子今夜三更先領小主母逃出潛歸杭

州尋個仁厚長者喬居幾時待生公子徐圖復

歸江西老夫人明日權奉皇命帶領管家媽竟

到全州嚴賊見老夫人年老又無侍妾相隨必

不加害後遇天恩大赦待小人與小主母迎歸



老夫人庶可再得團圓豈非兩全之計老旦此計雖好但他州遠徙舉目無親我與賽瓊方將相倚爲命豈可又作分離占悲介我與老夫人願同生死決不忍相離况夫人年老奴家初弱若然兩地艱難左右同歸于死朱裁不如待我死于一處罷副末悲介小主母差矣生離死別何人無之不幸適在吾家耳且患難之際也要識禍之輕重家破人亡兩人又要拆散豈非至苦之事然不過狼狽憂思之苦後日諒有相會

之期其禍還小若同到廣西見得一時相倚恐中他奸計覆宗絕嗣此誠莫大之禍老爺臨刑之時我小人豈不欲死節也欲留此身做個程嬰耳小主母豈可爲無益之死使老爺爲無後之鬼早早分別爲上老旦朱裁忠心大義只得要從他了賽瓊

尾序犯雙璧種藍田舊燕新昏恩情非淺雨潤雲  
溫忽遇他妖虹驚電滿承望蘭芽瑞茁誰料道江  
沱流散分明是鵲鳩同處一矢盡驚殘



前腔

占數載見星還感荷仁慈情同排雁飛鳥依

人今做了喪家之犬嘆今夕難留信宿知明日何

方投竄從今後雲山兩地一樣落風烟老旦朱裁

事勢如此我兩人定是各分了但我相公樞在

西寺此後再無一陌紙錢矣今日將一盃別酒

待我與賽瓊對此靈坐一拜少盡其心副末足

見老夫人恩義兩盡管家媽將酒過來丑持酒

上人生有酒須當醉一滴何會到九泉老夫人

酒在此老旦逝酒悲介

黃鶯兒殿閣老忠賢為讒邪落塹淵一家零散如

飛霰形分鏡鸞恩離枕鴛訴衷情不見生前面恨

綿綿何時同穴重締再生緣占送酒悲介

前腔俄爾太山顛望中堂散冷烟花殘玉病愁何

限血流草川人離故園長江瀉不盡今生怨淚漣

漣萬般哀苦腸斷夜啼猿副末小人也送老爺一

杯酒悲介

貓兒墜我那老爺呵官居清白無有買山錢可惜

蓋世功勳未入鐫李峯雲斷驟風前追奠望耿耿

鳥鳳記上五十一



英靈庇我歸園

丑

我也拜老爺一拜

前腔陰靈雖遠忠義在人間只有寡鵠孤鸞苦棄

捐明朝楚越兩情牽休怨願夢寐相隨永作雙鴛

內叫

夏家大叔我是刑部典差解官差我解送

老夫人等在廣西去的止覆裡面收拾行裝恨

明日起程了

副末應

曉得了明早伺候老夫人

小主母事已危迫請就此別了各辦行程罷

老

旦占抱哭介

天下那有這等樣的苦事

前而別

棹角兒

老旦

恨豺狼勢惡滔天悲鸞鳳並遭危蹇

對占

賽瓊你為亡夫愛惜花鈿

對副末

朱裁你到

杭城潛居鄉甸

對天拜介

告穹蒼并亡靈同默佑

早誕麒麟

合

離情相戀淚眼相憐嘆一家冰消瓦

解曷勝悲怨

占拜老旦

前腔荷深恩得侍幃前蒙大難各思飛遠老夫人

呵念娘行未歷塵烟

對丑

老媽媽呵望維持保全

釵釧

對天拜介

告穹蒼并亡靈同默佑永慰慈顏

合前副末

拜別了老夫人

前腔遇衰年善保慈顏

對丑

老媽媽你念恩母路

鳥鳳記

上五十二



途須眷

丑對占

小主母你育嬰兒節捺須堅

丑對

副末

朱大哥你效程嬰始終勿變

末丑同拜天介

告穹蒼并亡靈同默祐早返家園

合前

尾聲

合

痛分離腸裂斷今生未卜見儀顏夢裡除

非可再圓

老旦

嫡妾相離別故鄉

占

未知棲止在何方

副末

此行不敢高聲哭

丑

恐怕猿聞也斷腸

第十一齣

生扮楊上

玩仙燈鐵面魚頭骨鯁志難酬嘆神龍暫居涸藪

萬里孤臣似風飄柳

看指介

只恐這手足皆疲股

肱非舊一封朝奏九重城夕貶宜山萬里程折指

不忘匡濟手丹心還是股肱臣睜怒目切朱唇

嘗懷按劔上彤庭喚我有朝感悟天王聖把那

誤國奸臣一掃清我楊繼盛只因劾奏仇鸞逆

賊却被奸臣威逼問官將我手指拶折脛骨夾

損必欲置之于死幸蒙皇上薄賜降謫貶我為

口外邊城典史又被當道不容改為廣西宜山

驛丞數月之間奔走一萬五千餘里孤身到此



不覺踰年幸喜仕司知我是謫官不必往來迎  
接只是遐想朝中權臣奸黨終爲國患近日驛  
中傳言夏桂州被嚴嵩誣陷監禁在獄不日處  
斬我想起來自古朝廷未自元臣就修當朝臣  
子謾無保救之人但我職卑未見朝報是以快  
快于懷今日頗暇不免到驛前開步一回行介  
月雲高風塵奔走愁腸與誰剖追想我昔日糾劾  
仇賊豈是沽名守譽也只要三策安邦國一劔誅  
豪右今日一事無成可憂國憂民悲傷兩儻愆這

貶竄之苦也自甘無怨榮辱皆由命豈怨數遭陽  
九但我平生不願與奸臣同朝不斬元兇志不休  
不到烏江不盡頭那裡有一個男子領着兩個婦  
人來了不知是何處人且待前來便知端的外  
扮解官同老旦丑上

掛真兒懊恨風霜催老朽長途顛沛多憂丑吉綱

羈縻羅鉗掣肘外西出陽關誰救老夫人此處已

是宜山驛了聞知兵部楊主事謫在此做驛丞  
老夫人且暫駐待我進見與他討個脚力外見



生楊老爺叩頭 生你是何處人那裡認得我外

小的的是刑部典差解官解送夏老夫人流徙全

州在此經過 生是那個夏老夫人外就是當朝

宰相夏太師的夫人太師為軍國重情前已處

斬今特解妻小前來 生驚介天那有此大變之

事可不駭死了人想此位就是夏老夫人了請

進驛中相見 生仙鸞儀範何期邂逅途中 老旦

司馬威名豈意遭逢客裡 生請問老夫人老太

師為何遭此大變 老旦

宜春令吾夫王剛過柔 生剛介乃立朝之本有何

不可 老旦為權奸攢成寇讐 生朝中臣子豈無一

人救元老 老旦青蠅會聚毫端無計祈天祐 生老

太師既死一家都被拆散了 老旦飄零我世澤箕

裘 生老夫人得何罪 老旦風波我暮年箕箒 生那

奸賊果是不共戴天之仇 合這冤情石爛難忘海

枯不朽

前腔 生聽伊語不共讐不要說親受其禍使人聞

心傷眉皺這老太師呵暮齡遭難况無令子承君



後老夫人你平日呵本是個天上鸞鳳今日受此  
太難呵反做了風中塵垢合前外老夫一路行  
來萬般辛苦特與楊爺討個脚力望求方便生  
這個定有且是小事老夫人廣西乃荆蠻之地  
不比江南富貴此去舉目無親恐難存活下官  
有個朋友姓張名翀乃馬平縣人前年已中鄉  
舉會試京師因與下官相厚况馬平相近全州  
待我修書浼他周濟老夫人此人平生好義決  
不失信于我老夫人且權居幾時諒必回鄉有

日老旦多謝恩官丑這老爺就是重生父母了

生老夫人請到後堂茶飯待下官修書起來老

旦丑外貴人擡眼看便是福星臨俱下生叫驛

卒取文房四寶過來副淨應上難中一紙書勝

賜千金惠四寶在此生寫介

一封書京師憶舊游遇相知信義周誰想別後兩  
年京中有此大變元臣陷死囚痛全家復遠流佐  
命忠勲應可惜莫逆深交更轉求到全州望容優  
存沒沾恩感不休侍生楊繼盛頓首拜鶴樓張先

生厚契門下書已寫完叫驛卒速備肩轎兩乘  
官馬一匹送夏老夫人到全州去副淨老爺駟  
中缺少轎馬留待要緊官員這老媽是失得人  
了奉承他怎麼生哇你小人勢利但知錦上添花  
花我砥柱中流偏喜雪中送炭快備過來請老  
夫人出來上轎老旦丑外上自憐送別無杯酒  
誰信陽關有故人恩官告辭了生遞書介這是

一封小柬這是五兩俸銀但恨官卑祿薄不能  
厚贈少助路途之費老旦重蒙華翰如錫百朋

這厚禮決不敢受生老夫人患難之中不須過  
辭解官收下外接介多謝恩官老旦拜介

鎖南枝遭命薄被徒流喪家栖犬空奔走盛德感  
賢侯相逢信非偶恩官我今生報你的恩不成了  
嘆今生事已休效啣環怎能勾

前腔生老夫人你潭潭府金作甌一朝喪在奸雄

手你暫爾寓他州時乖且須守倘有一日聖心回  
悟那時呵遇天恩早回頭我楊繼盛倘有復見天  
日之時呵到朝廷當保奏對外解官你一到全州



就將我書送與馬平張舉人相公對丑老媽媽

路上好生伏侍老夫人外丑拜生介

前腔蒙君惠患難周春風雨露沾枯朽楊老爺你

鷄隊屈鸞儔迤邐諒非久合望天朝早召留俾忠

良同輻輳

且老骨肉凋零實慘傷

生驛中邂逅意彷徨

丑一時忠義相悲愴

外千載芳名共勒章

第十二齣且携筐上

六么令幽棲鞅掌遇良人暫困寒窓戶養薪水意

彷徨勤職業採纂桑春風幾度添惆悵春風幾度

添惆悵海棠春流鶯窓外啼聲早睡未足把人驚

覺翠被曉寒輕羅帶東風裊曲欄轉過侍兒報

道架上春蚕菟巧試問後園桑枝上存多少奴

家沈氏幼適鄒郎我官人學業雖成功名未遂

且喜他暮習朝温不放白駒過隙師嚴友益須

教黃鵠冲霄只是男攻經史婦主蘋蘩也要各

盡其道奴家幼習紡績之勤頗識蚕繅之務宅

外有桑園一所在西郊兩日蚕事匆忙家無



閒婢不免自採一回就此小路行去携筐行介

一江風謾携筐緩步蒼苔壤泥軟鞋痕嵌怎麼有  
許多狂蜂浪蝶逐遊蜂抖任小桑條扯得雲鬟亂  
採介 綠葉應青衫綠葉應青衫纖纖素手忙這是  
甚麼鳥鳴聽倉庚兩兩聲嘹唳方採得半筐不覺  
手足皆倦待我暫歇片時再採我想起來奴家  
採桑不過爲蚕績之備與我丈夫讀書成功的  
何異

前腔嘆才郎苦志學文章似繭絲同樣讀書的須

要積學就如蚕績的須要預備趁今時收拾化工

春預作經綸釀看他綉口錦爲腸綉口錦爲腸終

成補袞裳古人嘗有以此教子者羨斷機教子功

無量那裡有一個背包男子來了待我避在一邊

六么令 朱上 歸途勞攘怕逢人愈覺匆忙枯蓬斷

梗去何方雲漠漠樹蒼蒼投身無地難尋向無地

難尋向我朱裁夫妻自從伏侍小主母出京受了

萬千辛苦已到臨安地方且喜杭城相近但我

小主母弓鞋脚小不能前進只得謾謾引道待



我妻子隨他後行

回頭看介

還不見來想他又

走不動了好苦也不免在此少待

立介

一江風

副淨扮朱妻隨占上占

到村鄉悽慘情千

狀渺渺魂飄蕩苦窮途歷盡了風霜瘦損了花模樣  
一日幾迴腸一日幾迴腸如禁萬刃芒別離愁  
都撮在眉尖上奴家一路行來萬般苦楚不知前  
到杭州還有許多路程又不知到此地方投向  
何人棲止行到這裡更覺腰疼腳軟且在桑林  
下少坐再行

坐介

旦

好古怪我看這女子相貌

幽閒情懷淒楚那男人遠遠站立老嫗不敢同  
坐似有主僕之分且是遠方來的必有不得已  
之事待我試猜他一猜

步步嬌莫不是荆釵節婦投江上莫不是塞上寒  
衣孀豈是個桑間游冶娘莫不是曾母踰牆緹縈  
訴枉思忖這悲傷教人疑慮難消暢我就問他也  
不妨相見介旦小娘子你是何家宅眷為何到

此占一言難盡

前腔我不爲着春山憔悴思張敞不爲着鵲渡銀

河朗豈爲着陽臺夜夢寒不爲着南浦雲飛西  
月上提起這災殃教人未語腸先斷且小娘子不

須啼哭你且說個詳細

占

奴家蘇賽瓊是當朝

宰相夏公之妾不意我老爺被奸臣嚴嵩誣陷  
典刑妻小俱流廣西我老夫人憐我懷孕五月  
欲延宗祀恐同到遠方被仇謀害故此身當其  
難着我潛地南還

指未介

此人姓朱原是杭州

裁縫我老爺知他可以托妻寄子恩養數年今  
日果不負所托夫妻二人領我到此欲投個仁

人長者僑居幾年且待仇家疑釋徐歸江西但  
不知從何去向不免在此恓惶

未淨見且

有失

迴避萬望恕罪

且

難得你兩個好人小娘子我

家丈夫鄒應龍雖爲草茅韋布之士常懷渡蝘  
還帶之心見你狼狽必思安集况家下幽居桑  
柘之地絕無塵囂之染宅外桑園之內正有空  
房一所你且權居于此待我着老嫗朝夕陪伴  
朱裁夫妻自到杭州營生常來看顧主母未爲  
不可你意下何如

占

過蒙厚情足占大德但我



未亡之婦不可投非戚之家窮途固知顛沛大  
節必要始終恐萍水相依有妨禮義且小娘子  
守經行權各有其時撫孤恤寡存乎一念若非  
公孫杵曰焉得趙氏孤兒既以遇難避仇不必  
膠柱鼓瑟况我官人忠義自持別嫌有道恐捨  
此而去未必有可投之家就在舍下權住罷副  
末重蒙大娘子盛德我主母只得借居于此留  
我妻子伏侍小人自到杭州做些生理薪水之  
費都是小人送來且這個也不須你的我家自

有粗淡之需

副末

小人送到宅上拜見了鄰相

公然後敢別

占

多謝恩母

玉胞肚乍離閨幌遇飄零其實可傷嘆一門飛絮  
風狂念孤身弱草濃霜今日幸遇我恩母呵相依  
撫字如同漂母庇韓王慰我顛連在異鄉

前腔

且

裙釵雅淡在流離動止有常小娘子你縱

含着讐海窈山應須有玉茁芝香今日我見你呵

相逢如故公孫重見太平庄永保孤兒育遠鄉

前腔

副末副淨

大娘子你情懷慷慨憐荷相留大義

怎忘苦長途永宿淒涼幸今朝萍跡安康只是我  
老夫人不知下落悲介天涯翹首斷雲衰草在何  
方安得同歸返故鄉  
尾聲合遇艱難休悲愴依人飛鳥暫相將勿憶京  
華富貴場旦家下就在此間小娘子請進

占身家飛絮逐東風旦京國烟花總是空

副一葉浮萍歸大海淨人從何處不相逢

第十三齣副淨上

菊花新家君近喜破奸仇枉國威權獨自收機務

與誰籌朝命盡經吾手斬蛇須斬蛟獵獸須獵虎

除却萬人雄天下惟有我嚴世蕃蔭藉家君位

同卿相陰險勝如蔡卞智謀遠過王雱前日夏

言老賊與我父親爭權被我家直致典刑妻孥

盡皆流徙我父子背始帖席矣且喜君王寵眷

獨掌朝綱兒孫滿堂並食天祿我父親嘗自題

家慶曰有我福無我壽有我壽無我夫婦同白

首有我夫婦同白首無我子孫七八九有我子

孫七八九無我個個天街走笑介我父之樂如



此我爲子者可知到此地位富貴極矣但前日  
擺布夏言多賴羽翼趙文華爲通政沉捺保救  
之章鄆懋卿爲御史阻塞直言之路二人之功  
尤大今日父親分付着我置酒萬花樓上請  
人同飲并賀仇亡耻雪之樂且朝中直言無隱  
之士難保必無倘有人再來干犯我家還要二  
人協謀用力不可就拔短梯且把酒食來啖他  
一啖總已差人去邀想就來也末報趙鄆二位  
與老爺到了下請到下神地下贈下贈下

前腔

丑上

官居樞要並王侯全賴趨迎有智謀

淨

扮鄆上

屈膝一時羞驄馬威風無右

丑

下官通政

司使趙文華是也

淨

下官監察御史鄆懋卿是

也蒙東樓公招飲不免赴席請了

相見介副淨

榻邊驅馱睡

丑

海外獻奇珍

淨

要賀重重喜

合

花前對酒杯

副淨

小廝將酒過來

末

盃擊紅瑪

瑙酒泛綠葡萄老爺酒在此

副淨

二位請上坐

丑淨大哥在上我二小弟焉敢

副淨

今日叙賓

主之禮不論兄弟之情請坐了

丑淨

如此告坐

了副淨送酒介

二犯傍粧臺賓主意綢繆展開懷抱同賞萬花樓

趙兄我與你風雲會人罕有鄰况我與你魚水遇

永相投我不效象賢匡太戊且向歡娛學蔡攸

喜逢仇滅還荷寵優玉盃謾酌紫霞流

前腔丑卑職久淹留猥蒙提挈得與廟堂謀

這大單兒還是兄見惠的丑愧微禮休掛口賴親

德重如丘四美並難真際會九棘三槐盡我儔

前腔淨愚弟荷相周職居風憲權壓衆公侯這洪

澤叨庇久

副淨

承兄見惠白玉盃尚未有報

淨儀

菲薄願難酬我三窟成謀無限樂九尾藏機不復

憂

合前副淨

趙鄆二兄今日我三人聚會俱是心

腹各把心話講一講大抵人生在世如白駒過

隙既處富貴必要及時行樂請問二兄在家有

何受用丑大哥實不相瞞小弟有兩個愛妾一

個叫憂人富一個叫白怕窮一夜之間教他輪

流伏侍上半夜憂人富下半夜自怕窮豈不受

用衆笑淨若如此一夜都不睡了那得受用不



若小弟也有兩個愛妾一個叫忘恩一個叫負  
義終日教他侍立在跟前左顧右盼正是轉眼  
忘恩回頭負義豈不快活副淨二兄都不是真  
樂我家有個美人喚名解語花乃是平江伯送  
來的絕色無雙且善于音律待我叫他出來以  
爲侑酒之樂左右請美人出來占舞低楊柳樓  
頭月歌罷芙蓉帳底風三位老爺解語花叩頭  
正淨果然天下絕色副淨今日要你吹彈歌舞  
各顯所長你先試歌然後彈舞占待奴家送酒

就唱占送酒正淨伸頭作醜態介副淨二兄敢  
是骨鯁了正淨不是咽唾占

香柳娘詠新詞勸酬詠新詞勸酬輕開檀口白家  
樊素甘低首轉清音謾謳轉清音謾謳高調過雲  
頭陽春並先後合且頻頻斟酒且頻頻斟酒聽鳳  
管齊鳴鶯簧迭奏衆唱得好淨對正你家憂人富  
自怕窮也有這等風致麼正你且彈占一回占三  
位老爺請酒奴家就彈占彈琵琶介

前腔把琵琶掩羞把琵琶掩羞冰絃在手翠眉蹙

恨毛延壽看纖纖指頭看纖纖指頭飛電疾如流

明珠滿盤走合且頻頻斟酒且頻頻斟酒看撥盡

相思消殘清晝丑淨彈得尤好丑對淨比你家忘

恩負義的情趣若何副淨你且舞一舞占老爺

請酒待我舞一回丑淨立起看舞介

前腔占把霓裳歛收把霓裳歛收展開羅袖腰肢

袅娜風前柳任雲鬟解頭任雲鬟解頭珮玉嚮裙

榴花容汗香透合且頻頻斟酒且頻頻斟酒看高

下鴛飛翩颺鶴驟衆舞得尤好丑酒闌興盡已

將哺衆望收了筵席去罷副淨既如此徹去了

前腔衆把嘉筵且收把嘉筵且收歡娛良久賞心

樂事緣非偶嘆人生寄漚嘆人生寄漚一刻恣風

流黃金直千斗且姑留美酒且姑留美酒待月夕

花朝酣歌依舊

淨歌舞醉樓前丑當空月色懸

副不照逃亡屋合常照綺羅筵

第十四齣生上

縱山月天步有乘除仕路如反掌豺狼盈帝里筆



劔須誅攘訴衷情三年宦興落風塵事業曉雲輕  
昨將舊冠重整義氣滿乾坤悲栖楚羨溫生笑  
楊城萬言時事千古高風一片丹心我楊繼盛  
向爲諫阻馬市謫貶萬里邊城今因仇賊奸謀  
敗露欽陞孤臣爲兵部武選司員外郎之職竊  
喜不死逆鸞之手以爲萬幸而又轉遷如此之  
速則自今以往之年皆聖上再生之身自今以  
往之官皆聖上持賜之恩也旣以感激天恩敢  
不捨身圖報目今蜥蜴雖除虎狼入室嚴嵩父

子秉政弄權妬賢嫉能誅戮上下首相賣官鬻  
爵取利下盡錙銖以刑餘爲腹心招羣奸爲子  
弟若不早除賊黨必至大害忠良向日王宗茂  
徐學詩沈煉等雖嘗劾奏不過止言其貪汚而  
已若其大逆無道聖明尚出未知下官目覩其  
奸豈容坐視今晚就此燈下草成奏章明早上  
瀆天聽倘蒙見准朝野肅清在此一本也叫直  
書房的取文房四寶過來末持帚筆硯上太平  
無以報願上萬言書老爺四寶在此生照明了



燈你自去罷不須在此伺候

生執筆看本介這

賊臣僭竊多端正所謂罄南山之竹書罪無窮  
決東海之波流惡難盡這一幅有限奏章教我  
如何寫得盡

寫介

解三醒恨權臣協謀助黨專朝政顛覆乾綱我寫  
不出他滔天的深罪樣我寫不出他欺罔的暗中  
腸他罪惡顯著的那個不曉得我只寫他一門六  
貴同生亂更兼他四海交通貨利場還思想畢竟  
是衷情剴切面訴君王

停筆看指介

我這手指前

日已被拶折終不免有些傷損總寫得數行就  
疼痛起來莫說疼痛就死也何辭

前腔嘆孤臣滿渠誓喪祇爲那元惡猖狂

又寫介

我楊繼盛雖非諫官我若不言更無人言矣

嘆介

惟當朝無肯攀庭檻又誰個敢牽裳又寫得兩行  
這手指就流血了也由他我只是一心要展擎天  
手管不得十指淋漓血未乾還思想只須這淚痕  
血迹感動君王

副淨扮小鬼上隱燈下作叫介生

听介四面絕無人迹敢是個鬼兒



太師引細推詳這是誰作响我曉得了是我祖宗  
的亡靈恐有禍臨教我不要上這本了心中自忖  
量敢是我亡親垂念咳我那祖宗你只願子孫做  
得個忠臣義士須教你萬古稱揚大抵覆宗絕嗣  
也是一個大數何慮着宗支淪喪鬼又叫介生你  
不要叫了縱然恁哀鳴手狀我此心斷易不轉怎  
能阻我筆底鋒芒我就拚得一死也強如李斯夷  
族趙高亡燈下鬼現形介生呀不惟聞其聲抑且

見其形

前腔這是幽冥誰劣像你在此現形呵似教我封  
章勿上你雖然如此怎當我懃言方壯鬼作悲狀

介生 你自去罷休得要在此恹惶我理會得了你

也不是甚麼鬼想是我忠魂游蕩到死時也做個

厲鬼顛狂人生在世左右一死生如寄死誰曰難

須知安金藏剖腹屠腸鬼滅燈下生可惡那鬼兒

竟把這燈兒打滅了此際已將三更時分小廝

們俱已睡去叫介小丫鬟點燈來

生查子秉燭上良人素秉忠封事頻頻上清夜

謾勞神幽閨添悲愴

生

呀綠何夫人自家秉燭

旦

此際已將夜分丫鬟輩都睡去妾聞相公在此

喧嚷故特秉燭而來

點燈在臺介生

夫人有這

等奇事下官方在此寫本只聽幽冥之中漸作

鬼聲少頃忽見燈下現出一鬼披髮赤身滿面

流血似有悲切之狀竟把燈兒打滅去了

旦

此

事奇恠恐非吉兆請問相公寫何奏章

生

此乃

國家大事非夫人輩所宜知你問他怎麼

旦

妾

聞臯夔稷契優游無事謂之良臣龍逢比干因

諫而亡謂之忠臣妾願相公爲良臣不願相公

爲忠臣

生

夫人忠良本無二理顧臣之遇與不

遇耳臯夔稷契遭逢堯舜故得吁咈一堂設使

當龍逢比干之遇敢不竭忠盡諫

旦

妾聞君子

見幾達人知命陳平不爲王陵之慙卒至安劉

仁傑不爲遂良之直終能祚唐王章殺身忤王

鳳也鄴侯寄館避元載也况相公職非諫官事

在得已縱然要做忠臣養其身以有待如何

生

夫人食人之祿當分人之憂苟利社稷死生以



之呂奉先爲國而殺董卓鄭虎臣爲民而誅似  
道匹夫尚然有志直臣豈容無爲我自草茅韋  
布之時常恨不能見用今見用矣猶曰彼非我  
職而不言是終無可言之時也况今言路諸臣  
不過杜欽谷永者流摭拾浮詞以寒責耳若我  
坐視元奸大惡豈能除去且察言觀色洞見其  
中相公此本想是要劾嚴老了但投鼠必忌其  
器毀櫝恐傷其珠巖嵩寵固君心賄通內監夏  
太師且受其殃曾御史並遭其毒今上旣信他

大詐若忠必罪你居下訕上倘觸犯天顏恐禍  
有不測鬼形悲泣未必無爲相公請自思省生

你還不知我平生心迹貪生害義卽非烈丈夫  
殺身成仁總是奇男子况爲臣死忠乃我之分  
今日之本我非僥倖不死沽名干譽多將頸血  
濺地感悟君心倘能剪除逆賊得與夏曾二公  
報仇我楊繼盛就喪九泉亦瞑目矣夫人何必  
苦苦相勸且相公堅執如此夫婦死無葬身之  
地矣且悲介

啄木兒聽哀告說審詳自古道從容就死難念曾  
公忠義遭傷痛夏老元宰受殃看滿朝密張羅雉  
網前車已覆須明鑒相公你休得要無益輕生絕

大綱

前腔

生

夫人你何須泣不用傷論臣道須扶綱植

常罵賊舌不愧常山殺賊鬼何怯睢陽事君致身  
當死難你休將兒女情縈絆我大丈夫在世呵也  
須是烈烈轟轟做一場

三段子

旦

相公你此心何壯矻矻銅肝鐵腸我

這苦怎當哭哀哀兒啼女傷

生

夫人你譬如杞梁

戰死沙場上其妻哀泣長城斷却道千載賢愚

總堆黃壤

歸朝歡

旦

兒夫的兒夫的節重義堅頓忘了終身

依仰今朝後今朝後未卜存亡是伊家自詒災禍

倩誰祈禳

尾聲

生

我明朝碎首君前抗我

旦

那妻兒我死之後

你將我屍骸暴露休埋葬

旦

却為何

生

古人自以

不能進賢退不肖既死猶以尸諫下官亦是此意



須再把義骨忠魂瀆上蒼

生赤心爲國進忠言

且休觸天威犯御顏

合此去好憑三寸舌  
再來不值半文錢

第十五齣 末上

點絳脣斗轉參橫玉壺傳點天階曉鐘鳴長樂仙  
仗千官遶甲帳徐開殿影齊三更津吏報朝雞風  
回上苑炉烟裊日上瑤天雨露低萬國衣冠春  
共育五雲環珮曉相携瓊闈禁闥重重閉郎吏  
何須上諫書自家乃本朝黃門官是也身親丹

陛職侍紫宸力贊經綸功歸機軸雙龍地望見  
許多舟楫濟川才九虎天規知無數監梅調鼎  
手從容青瑣躬承稷契近唐天咫尺黃袍心切  
蕭曹依漢日都俞吁咈榮名動百僚進退周旋  
治道期千載化行禹貢山川外在周官禮樂  
中如今正是早朝時分聖上已升寶殿恐有表  
章傳達只得在此伺候道由未了奏事官早上

小重山

生

金殿岩堯紫闕高龍蛇盤結處動旌旄

朝陽鳩鵲壓雲濤緋烟擁咫尺赭黃袍漏滴葵心



亂鐘敲蝶夢驚滿懷憂國事今日見明君此處  
已是午門了不免進去未奏事官不得擅人就

此拜舞生舞蹈介

神仗兒揚塵舞蹈揚塵舞蹈手持文表對彤庭拜

了遙望重瞳高照尊殿陛肅官僚尊殿陛肅官僚

未是何衙門官所奏何事生臣乃兵部武選司

員外郎楊繼盛上啓天聽

滴溜子微臣的微臣的職具兵曹微臣的微臣的

僭言直道未你敢是越職言事生念微臣官卑職

小捐生報聖朝欲除奸老干瀆天威望乞恕饒未

有何文表就在此披宣

入破第一生具官臣繼盛啓仰荷皇恩旨陞臣爲

署郎官職干冒天威臣謹誠惶誠恐稽首頓首伏

念微臣初登甲第選兵司爲劾仇鸞逆侶遠謫邊

城地傷足脛折手指甘心爲棄人而已豈想銓曹

不限卑微常例到京畿特賜殊恩復叨郎署

破第二剩此微軀皆賴天恩庇捨身圖報如何敢

逡巡迴避切惟元老巖高僭竊權侔人主悞國殃



民奸謀久矣  
破第三那更上天垂象降爾多災異日下赤光雷  
陰曠星墜地又見崩山溢水太史曾占云是權臣  
所致最可悲他調燮無功恐食祿有愧  
歇拍濁亂朝綱逆天大罪臣又訪得世蕃子同票  
本掌中書乾子文華協助奸雄之計昔虜圍束手  
藏兵悞殺汝襲

中滾賊膏厚祿掛朱紫出入承明地惟肆苞苴  
失人心壞風俗變成規妄捏長孫效忠從事江西

詐冒軍功世襲錦衣

煞尾他總典樞機密構中常侍恃五奸蒙十惡鬼  
神知此仇賊死猶遲陛下優容臣恐禍貽非細視  
朝歸親問二主始知詳備  
出破若念老臣不加刑遠惡州望安置庶使權奸  
惡黨悉驅除臣無任瞻天仰聖激切屏營之至

未

楊先生此本好生利害事已到此只得與你進

上移步上金階封章達帝台午門欽候旨禍福

自天來持本下生今日之本我豈不知有禍無



福但一則要報皇上再生之恩三則要展生平  
忠義之氣三則要與四海萬民除害四則要與  
忠臣義士雪冤正所謂鞠躬盡瘁死而後已成  
敗利鈍豈能逆觀萬一僥倖不死得除元惡亦  
千古必無之事也待我禱告上蒼  
滴溜子天憐念天憐念孤臣拜禱今日的今日的  
死生未保天那可惜君恩難報一封奏九重知他  
聽否我楊繼盛的斧鑕囹圄都在這遭本已進去  
多時不見回報想是拿問了且到朝房少待

前腔

末捧本上

署郎臣署郎臣越班進表干天聽

干天聽龍顏怒了道小臣居下訕上把太師來輕

誚罪難恕饒見有玉音午門聽剖

末

聖旨已到跪

聽宣讀

生跪介末

聖旨道楊繼盛這廝因謫官

懷怨披拾浮言恣肆瀆奏本內故引二王爲辭  
是何主意着錦衣衛好生打問從重擬罪來說

生

萬歲萬歲萬萬歲

校尉上

前腔奉聖旨奉聖旨旗牌宣召到錦衣到錦衣依

律問拷

衆扶生介

楊爺你無事休將言造今日呵

鳴鳳記

上七十七



災禍自家招怎生是好到我錦衣衛時定無榮賞  
惟有明條

生忠臣不怕死

衆怕死不忠臣

生錦衣甘擬罪

衆青史永標名

第十六齣 外上

北混江龍丹書飛電只爲那忠言逆耳怒龍顏三  
章定典一劔橫天看怨氣撒成千里雪愁雲捲起  
萬家烟訴衷情冤深海樣寬望長安日暗天還遠  
舌吐了六出兵馬汗淋了五府牌官執笏垂紳滿

帝京誰人能掃宇寰清權奸未滅身先死長使  
英雄淚滿襟下官錦衣衛都指揮使陸炳是也  
昨奉皇命着我會同刑科都給事鮑道明監斬  
諫官楊繼盛下官自忖職掌錦衣二十餘年不  
知拿問了多少官員羣臣雖上奏章未有如楊  
椒山之激切皇上雖嘗責問也未有意置之于  
典刑只爲他尋差了對頭今早內監口傳聖旨  
道如有大小官員奏饒楊繼盛者一同處斬這  
便知楊公必無可生之路也咳楊椒山楊椒山

夏太師且不免何況于汝乎你到今日呵正是  
滿身是口不能言遍骸排牙說不得了衆報鮑  
爺到了

粉蝶兒

末上

朔雪翩翩看同雲四郊飛遍聽金門

上命初傳把忠良如草菅有言難辨駭得俺毛骨  
竦然最堪悲一封書斷送了三生夙願下官刑科

都給事鮑道明是也奉命監斬楊繼盛不免到

此法場呀陸大人已先在此了

外

下官已在此

伺候

相見介末

十月天飛雪多爲楊公泣

外杜

宇聲悲嗷叫落枝頭月

末

陸大人今日雖蒙聖

旨勅俺兩個監斬萬一楊公有救亦至幸也

外

鮑大人還不曉得今早內監傳出聖旨若有保

救者同斬

末

口傳聖旨未可盡信

外

總然是假

誰敢再奏

末

若如此楊公命盡此刻矣我和你

不惟不能救且監斬他于心何忍

外

皇命使然

無可奈何

內催介

奉皇爺聖旨嚴府鈞旨着監

斬官速斬犯人回話

外

既如此左右帶楊老爺

過來

衆扮旗牌官劊子押繼盛綁上

天作孽猶



可違自作孽不可活老爺斬罪犯人聽候外末悲介

耍孩兒外楊先生你囹圄桎梏皆天譴把事付東

風休嘆怨你鐵肝石膽真堪羨邊城萬里方遭貶

邊城萬里方遭貶嘆今日兵曹又受顛少微月犯

多災變你本是個王朝柱石埋沒在相府塵烟

前腔末椒山兄羨君家立志堅為朝廷欲去奸讜

言直犯君王面號神泣鬼驚讒諂號神泣鬼驚讒

諂正氣漫漫塞兩間貴戚權收歛你本待要名標

青史先投下沒底黃泉小外小生上小外靴尖踢

倒鳳凰樓小生怒氣冲翻鸚鵡洲小外海天寬

忿憑誰訴小生太白旗懸忠義頭小外下官禮

科給事吳國倫是也小生下官監察御史王遴

是也今日我楊年兄被奸臣誣諂在此典刑特

來與他永訣左右報兩位科道老爺來了相見

介小外小生二位大人生殺在手可謂有權外

末二位大人感慨在心不得已也請問掌科道

長可曾保救楊先生麼小外聖旨既下誰敢再

救小生下官輩不過與他永訣少盡同年之義



耳小外小生見生抱哭介生二兄不必痛傷

前腔

小外念吾兄節義全衆流中獨挺然歲寒松

柏當朝選忠臣要剖葵心獻忠臣要剖葵心獻折

檻無功反受冤吞却魚腸劔俺非是江州司馬也

落得淚濕青衫

小生老年兄你當此大辟又遇此

大雪一發苦了

前腔嘆遭逢命運艱更臨刑遇雪天囊頭三木刑

何慘你足疲指折猶難免你足疲指折猶難免須

與地下龍逢作比肩血濺朝陽殿俺非是蘇州刺

史也須知惱亂愁腸

小外老年兄我和你從此一

別今生再無相會之期矣小弟有挽詩一首以

脩我兄他日青史之助

出詩誦介食祿分憂士

憐君獨處難囊頭追孟博斷舌繼常山雪映心

猶赤風吹骨愈香傷心千古恨揮淚洒斜陽小

生小弟次吳年兄韻也贈一首聊表吾兄忠烈

之氣

出詩誦介

仗節多臣子從容就死難忠懷

吞瀚海義氣壓衡山冤斷閼河香名存草木香

丈夫無別淚含笑赴雲陽

生過蒙謬贊但死不

鳴鳳記

上八十一



足以塞責終無益于朝廷也天下事尚可爲二  
兄好爲之左右報楊宜人來了二位老爺請方  
便小外小生好苦也左右是一死了只得去罷

正是見君且歛湘江淚恐逼愁人速斷魂對外

未二位大人請了外未刑法所在不敢送了小

外小生下且手携酒帛哭上

哭相思當日封章未上曾頻勸何期此地遭迤難

放酒壺在地抱生哭介

耍孩兒我那相公呀你纓冠束髮塵生面似縲紲

俘囚同執孿奴家今日在此呵也是鬼門關上空

留戀你一腔忠義惟天鑒你一腔忠義惟天鑒嘆

六尺微軀無計全千古興長怨今日呵將臨刑別

酒斷送了合巹前緣內催介奉皇爺聖旨嚴府鈞

旨着監斬官速斬犯人母得遲悞未曉得了王

法固不可留私情也要少盡旦相公今日死後

奴家存亡未卜雖有一陌帑錢無人燒化今日

將一杯別酒聊盡夫婦之情望容鑒納遞酒介

外左右與他送一送酒旦跪讀祭文介奴家自

製祭文數句以表相公平日忠義之心不免宣  
讀維皇明嘉靖歲次乙卯十月朔越九日未亡  
妻張氏謹採首陽之薇挽泪羅之水致祭于忠  
愍夫君奉直大夫椒山楊公之灵口於維我夫  
兩間正氣萬古豪傑忠心慷慨壯懷激烈奸回  
斂手鬼神號泣一言犯威五刑殉裂關腦此心  
巖顏稽血朱檻段笏張齒顏舌夫君不愧含笑  
永訣耿耿忠魂常依北闕嗚呼哀哉尚饗外末  
左右劄子皆悲介且言中遭此大慘真個苦上

加苦

前腔看愁雲怨滿天痛生離死別間須臾七鬼無  
從見牽襟結髮今朝斷牽襟結髮今朝斷腸裂空  
山哀月猿割不出傷心劍我那相公本是個飛黃  
千里今做了帶血啼鶻內催介奉皇爺聖旨嚴府

鈞旨犯人不得久留如遲并罪且一刻也不容  
可不苦殺人也相公你有家事欲言說與奴家  
知道生哇婦人好不曉事我平生那有家事我  
浩氣還太虛丹心照千古平生未了事留與後



人補外楊宜人你且對天祈禱一祈禱你丈夫  
有人救他未可知也且對天拜介天那願少須

更無死創子作斬衆推生下且哭倒地介外未

驚作悲狀介楊宜人還未甦醒可憐可憐此際

干不好着人扶你校尉們且叫聲衆叫且漸醒介

江兒水天那我竟離體鬼喪泉痛思鴛侶遭飛箭

我那相公你一點丹心明素願翻成白刃流紅茜

禍比史蘇尤慘仇海冤天對着誰人悲怨外楊宜

人死者不可復生請自寬慰罷且我未亡人還

有一言相誓

前腔再啓吞聲愬重開染血箋懷中出本介粉身

猶要將尸諫大人此本乃未亡人代夫明志尸諫

感君之本煩大人轉達天聽倘得剪除權奸我夫

婦萬副甘心外咳楊宜人椒山且如此你一女人

濟得甚麼事不如息了這個念頭罷且我兩兩哀

鳴如鳥怨人之將死其言善外你情雖切此本決

不敢與你上且我苦只苦萬里君門難見大人不

肯與未亡人上本請畧觀一觀情節外既如此左

右接過來外看本旦出刀痛哭介我同到烏江免  
使亡夫心眷白刎介外驚介呀楊宜人也自刎了  
可憐可憐

前腔我看他夫為綱常重妻能節義全雙忠九烈  
誰能先光岳千年鍾氣鮮君明臣直孤忠顯萬古  
清名不殄這些碌碌奸庸顧此獨無覩覩叫手下  
擡那屍首好生成服與楊爺同厝西城外後日  
必有旌其忠節者朝廷有旨道楊繼盛斬後即  
將妻孥流徙居庸關外今宜人已死又無人與

奏免只得將他幼子與家奴流去罷

末臣為君亡實可傷衆妻因夫喪重綱常

外憑君莫話糾彈事合一個忠臣九族殃

第十七齣淨扮汪上

番卜算五島並欽從一言招寇叛男兒志氣欲圖  
王敗則依山險海島經營二十年中原激我上番  
船從今仗起龍泉劍霹破東南一半天自家姓  
汪原是通番主人出沒江洋招引來船去棹埋  
藏島嶼貿遷寶貨奇珍瓊崖儋萬是家鄉日本



流球爲傳舍五島倭夷並皆欽服因自號爲汪  
五峰不想近年以來大明宰相嚴嵩當國賄賂  
公行故此沿海守郡官員競來索我外國奇珍  
寶玩貢奉權奸多不償價有等門下貪污黨與  
謀陞福浙等處鎮守意圖滿侵東南南海利將我  
商人屢次腰斬既奪我生涯又絕我歸路我大  
丈夫不能流芳百世亦當遺臭萬年昨已分付  
頭目徐明山等打造戰船數千率領倭夷數萬  
整脩五鬚鎗鉛錫銃燕尾箭福清刀等器械一

齊舉發運到福浙蘇松等處攻劫城郭村鄉擄  
掠子女玉帛滿載而歸勝做一生買賣頭目們  
何在衆扮倭夷上科頭跣足學蛙鳴跳梁跋扈

于天憲大王有何鈞旨淨戰船兵器可曾完脩  
麼衆完脩多時了淨如此逞風先到福建等處

攻殺前去

豹子令

淨

跨海攻城星斗戰星斗戰鯨川交刃浪

波穿浪波穿寰宇橫行誰禦我虎賁何足數三千  
數三千合諒無克國守屯田大明從此震山川

鳴鳳記

上八十六

前腔衆兩兩飛刀追走電追走電搜搜羽箭混飛  
烟混飛烟城郭村庄燒毀遍金銀婦女載歸船載

歸船

合前

淨

豪傑潛居海島中

衆

一朝兵動滿江紅

淨

江南金帛千千窖

合

大笑一場天地空

第十八齣

小生上

傳言玉女乍折秋香疑似蟾宮初降步雲衢扶搖  
直上行看那咫尺玉階仙仗這階梯經史如何撇  
樣南鄉子人樂艷陽天百轉鶯聲醒醉眠樹杪斜

陽影裡掛鞦韆隔水遙聞笑語喧倚綠窓前  
吟就新詩又斷聯惹得梁間雙燕舞翩躚飛遠  
青雲復入簾小生林潤幼入鴻門賴師友之功  
荷祖宗之澤今科添領鄉薦平生志願少伸萬  
一且喜聞得我恩兄鄒蘭谷亦中本省高魁不  
勝踊躍昨日修書寄去少表微忱且待會試將  
期預到杭城叙濶約他同上京師是所願也兩  
日塵事碌碌簡編久廢今日稍暇不免到書房  
把舊文點檢一檢看書介



駐馬聽靜几明窓積案文章翰墨芳只見千般月  
露萬種風雲筆勢燦煌文字也各成一家多有不  
同有一等大羨玄酒味難忘有一等長江一瀉翻  
空浪仔細端詳滿前錦繡皆師範兩日中酒不覺  
神思困倦纔看得幾篇文字就要睡來且隱几  
少臥作臥介

步蟾宮

莊上

綠髮仙郎膺重望時不遇珠韜夜光

今朝桂子發天香幸作月中仙匠南鄉子曉日壓  
重簷斗帳春寒起未炊天氣困人梳洗懶眉尖

淡掃春山不時添悶把綉絲擣認得金針又倒  
拈陌上游人歸也未厭厭滿院楊花不捲簾奴  
家王氏之女林郎之妻金屏綉褥生成純袴之  
家韋布荆釵暫作糟糠之婦窓前相夫子惟知  
舉案齊眉架上勤女工不學迴文織錦且喜我  
相公新中鄉舉已有登第之階只怕他學病于  
自足力怠於名成終爲小就而已兩日在外應  
酬世事今日想在書房看書不免去勸勉一回  
正是不用紅粧牽李靖且將機杼激蘇秦此處



已是書房

听介

駐馬聽悄步書堂怎麼不見書聲不聽得吟哦誦

典章待我覷他一覷只見他一似宰予晝寢孟軻

隱几夢熟黃梁莊周蝴蝶正顛狂周公事業成何

望謾且思量想是他酒醒春色生微恙

叫介相公

小生醒介

娘子何來

占

特來探你看書

小生

娘

子請坐卑人神思困倦隱几而臥得一午夢十

分奇異

占

願聞其詳

小生

娘子你聽我道

素帶兒方成睡夢一夥強徒仗劍芒只見他裸形

披髮不似我中國衣冠模樣他攻殺來時英雄似

虎狼又見許多婦女盡皆擄去見幾處悲號欲斷

腸還思想這夢兒呵非常災異不比高唐

占

相公

晝之所為夜之所夢相公連日飲酒神思不寧

致成此夢

昇平樂惆悵君心未靜感塵囂碌碌世務忙忙小

生

世事雖接我也絕無感動

占

游思妄想難保必

無你或念着干戈搶攘和那年歲凶荒

小生

何曾

念及于此

占

終不然夢見許多婦女敢在花街柳



卷有所感動堪傷少年司馬易輕狂牽惹得精神  
莽撞小生這個一發沒有了占相公不須疑愴却

不道十二巫峰夢斷襄王小生娘子古人有言寧

爲太平犬莫作離亂人我和你際此承平可謂

福矣近聞得海島倭夷造亂倘或有變應了我

夢中之事了如何是好你聽我道來

素帶兒家居在海邦城垣非壯承平久怎驚鼓動

漁陽若有此變未免漂流別境那時呵飡風宿水

鄉恐破甑生塵愁范丹到那時我雖要去會試如

何放得你下只求沒有此變便好須祈禳願清平

郊野並見鸞鳳占相公你有此誠心故有此奇夢

倭夷之變妾未嘗聞不須過慮

昇平樂才郎少年經緯當匡扶宇宙何憂離亂巨

舟弘楫應須駕龍門春浪休傷太平有象樂春光

豈妄憶無端春夢還期觀花上苑勿作喪家情況

神仗兒林杪上倭夷作亂倭夷作亂人民逃竄官

軍難阻當把城池盡攻陷男和女盡淪亡鄉和邑

盡燒殘相公娘子不好了不好了數萬倭夷盡登



海岸擄掠金銀男女燒劫城郭鄉村烟焰障天  
哀聲載道漳泉二城已被攻陷不日就到我興  
化來了城郭不完守禦無備不可在此待死早  
尋避兵之計 占悲介 天那有此大變果然應了  
相公的夢了敢只是死也 小生 娘子且不要煩  
惱如今只要性命顧不得家了倭夷入寇不過  
在我沿海郡縣杭州內地必然安堵我有恩兄  
鄒蘭谷在彼且是嫂嫂賢慧我與你同到那裡  
僑居幾時再作區處 占 此計固好但奴家從來

嬌養安能遠涉江湖况此行囊橐蕭然豈可久

依親戚 小生 娘子事已至此無可奈何只是免

死而已 副末 相公娘子事不宜遲既有此意早

早去罷 小生 林相你快去收拾幾兩盤費只帶

些隨身細軟其餘都撇了罷頃刻就要下船了

快走快走 副末 小人就去顧船了相公娘子再

不可遲正是棟梁遭突厥燕子各分飛 下

**排歌**

小生

家世莆田箕裘永常無端海寇猖狂百

年桑柘嘆淪亡千里萍蕪傍那方

合

青山古綠水



長江河舉目異風光途中味客裡腸豈堪回首望  
家邦

前腔

占

金屋嬋娟漂流異疆何曾歷此淒涼愁眉

一帶感春山淚滴千行酒夕陽

合

夫携婦子喚娘

江天烽火斷人腸千江月一葦航堪嗟黃鳥寄他

邦

小兄弟當年會浙西

占

今朝患難欲相依

小鸞鳳本是同聲鳥

占

天借風雲一處飛

第十九齣

旦上

臨江仙閑堦和煦花如擁柔風簾幙搖紅轆轤聲  
轉粉墻東寶猊烟未冷山枕夢成空青玉案一年

春事今來幾早過了三之二綠暗紅媽渾無事

鶯啼深院燕穿疎幕晝永人憔悴花間日影方

纔計又見三分移去矣試問閒愁知幾許瓊苑

春光瑤臺夜思總是傷情處奴家自歸鄒郎以

來夙興夜寐淺泳深舟薪水勤供春山懶畫刺

綉添燈每伴讀書過夜半採蘩烹釜更思繼晷

惜春殘且喜我相公已中鄉舉只是林家叔叔

遠隔千山未知可曾中否向年安集夏家小夫  
人生子已經七歲正可就學但我家園清素無  
力筵師如何是好且待相公拜客回來與他商議

前腔

生上

金門射策文星拱洋洋意氣如虹他邦

同契慶登庸一朝雲霧起兩處並飛鴻

青玉案

人

生南北如岐路世事悠悠等風絮錦瑟年華皆

暗度三分春色二分風雨添一分愁緒伊周功

業難憑據不學江東百六吏用舍行藏隨所遇

玉堂金馬竹籬茅舍總是無心處

相見介

呀

相公可來了

生

卑人訪客纔回

旦

相公爲何面

有喜色

生

娘子我今早入城偶遇福建商人說

我林弟得中高魁見有書寄此

袖中出書介

既有書請相公讀一遍

生誦介

莆田通家契弟

林潤頓首拜啓大恩家蘭谷長兄先生大人侍

下向者輕携笥笈遠荷箴規德學兼醉乃心教

養遂銘諸骨一別跡拘南閩幾迴夢遶西湖恭

聞吾兄先點朱衣已陟雲梯之上乘竊幸小弟

謬知青眼遙分月桂之餘香夙昔之願少伸彼



此之情允愜但願同登紫闕共展丹心逐盧杞  
以除君側之隱憂吊屈原以舒泉下之忠悃建  
業當如韓范締交不替陳雷豈非千載之奇逢  
一時之盛事第念賢嫂尸饗未遑結草所賴仁  
兄引道準擬觀花聊附便鴻之箋慚無拜使之  
敬伏惟尊照不宣 且且喜林家叔叔果得高中  
也不枉了昔年結義之願 生他日立朝匡濟不  
患無助也娘子聽我道

賀新郎自昔交情重每相期挾持抱負天朝同用

夜半燈前追往事今日呵喜遇春雷齊動秀才不

中也罷了我既有進身之階須要展胸中操縱近

聞得朝中奸相弄權朋黨悞國此正臣子撥亂反

正之時錯節盤根須利器看冰山終怕暘光瑩况

我與林弟俱得僥倖這功業豈讓與他人安社稷

我昆仲 且相公除佞驅奸撫孤恤寡本同一理相

公與林叔他日立朝忠義固不待言只是夏家

母子在我西園亦望相公令終如始可也

前腔向日蠶桑動忽相逢孤鴻寡鵠無門投控飛

鳥依人情可憫今日呵幸喜天生雛鳳夏公子已  
 年七歲相公必須扶持他就學庶可他日有成須  
 要使荆瑜成用大抵天生忠義多是患難相扶相  
 公若居當道須是正色當朝明往事把冤情泣向  
 君前誦且林家叔叔又與相公同心相輔翊有昆  
 仲副末換白鬚上數年蒙難離京華望斷雲山不  
 見家萍梗他鄉棲未定城頭又聽奏悲笳相公  
 夫人朱裁叩頭生朱大叔何來副末相公夫人  
 有天大一椿奇事特來相報上甚麼奇事副末

聞說通番主人汪五峰招引數萬倭夷攻破福  
 建漳泉興化等處以漸殺入內地恐杭城也不  
 免到來生此事真的副末三司府縣各衙門俱  
 有報了旦驚介生這等如何是好生我家鄉居難

保必要遷在城中去了只是夏家母子撇他在  
 鄉不免狼狽與他同居又涉嫌疑將如之何副  
 未小人有一言相告不知相公夫人聽否旦有

話但說副末昔年與主母來時本欲暫依棲止  
 待生公子徐歸原籍興復夏氏幸遇洪恩育養



數年今公子長大豈無故鄉之思但感恩未報  
不能恣然而去耳今遇倭夷之亂諒江西內地  
必安待小人伏侍公子主母歸尋夏易二家宗  
族一則可以避兵一則可延宗祀不知相公夫  
人意下何如且此見雖好但我與汝家母子數  
載相處一時難別生娘子朱裁之言最爲有理  
倘我亂離之際不能周旋可不反負了所托且  
望相公善始善終生我理會得了朱大叔江西  
郭修撰是我恩師今正丁憂在家待我修書把

你家母子轉托與他必然得所一應路費俱是  
我備副末拜介如此多謝始終大恩我夏家宗  
祀復振實在此行小人就收拾行裝起程但相  
公夫人無限恩德不能少報異日公子成就啣  
環結草尚有日也

錦衣香

生

朱大叔我爲兵戈驚恐諒桑林難久永

念彼萍絮他邦又經風送此行輕別豈由衷怕相  
耽誤寄托無終你到江西去呵安居故土仗忠良  
轉相倚重合有日皇風動黎民懽頌那時呵看潛

蛟困鳳終須騰踊皇恩浩蕩只許那張無四青鸞

前腔旦望江城烽烟冗看錢塘橫屍湧把我昔日

相逢又成悲慟此情未語淚先溶自今別去目斷

飛鴻朱大叔你此去何須尋一脉轉維持宗祧繼

重合前副末小人就此拜辭了生說那裡話明日

待我整脩盤費親送你主母公子豈可就行末

相公夫人天恩小人一言難盡副末拜介

漿水令賴洪恩周旋推重荷餘情始終相送寒崖

枯木幸春逢再生仁德重造天功深稽首頻祝頌

啣環犬馬常存寐夢合相辭去相辭去未知誰共

離情苦離情苦嘆飄蓬

尾聲生從今分袂慙慙送旦回首桑園似夢中副

末滴淚如流浙水東

生難中母子正相依旦誰料江干動虜夷

末應是夏家宗不絕合故教天送到江西

第二十齣淨上

出隊子淨蟬吟涼秒蟬吟涼秒燕遶疎簾日色高副

淨忽驚時屆遇端陽又見皇恩賜扇搖合堪笑汨



羅忠鬼誰招

淨五月初晴日正長

副淨

水晶簾捲

午風涼

淨

宮中御賜金樽酒

副淨

歸與妻孥共

飲嘗

淨

孩兒今日艾虎懸庭龍舟競渡又是端

午時節了浙江等處不見進貢鯉魚不知何故

副淨

想已進過上位敢是爹爹不知

淨

豈有此

理常年進貢未到尚方必先到我府裡今年必

有其故

副淨

且待孩兒查究只是韶光易老好

景難逢昨日分付管家八預備酒席在御河樓

船上請爹爹去看那龍船

淨

我心正要游賞

副

淨叫打轎

內應擡酒羅上衆隨行

副淨你看好

個端陽時節帝都景致也南柯子山與歌眉歛

波同翠眼流

副淨

游人都上十三樓

合

不羨竹

西歌吹古揚州

淨

菰黍連菖歎瓊葵倒玉舟

淨誰家水調唱歌頭

合

聲遶翠山飛去晚雲留

副淨

此是御河船上了將酒過來

送酒介

金索掛梧桐

副淨

梅林雨乍飄處處蛙聲鬧角黍

包金滿切瓊香小玳筵羅列也奏雲璈暗度荷風

過小橋看紛紛兒女纏絲綵帝里繁華景物饒須

歡笑淨孩兒今日倘未盡情明日可再來也副淨

賞心樂事日日有明朝合遇佳時最要逍遙且莫

惜金樽倒丑扮舍人上老爺報軍情事的淨岸上

跪的是甚麼人丑小人是福建巡按差來的上

本舍人為數萬倭夷殺入內地漳泉興化等城

並皆攻陷擄掠男女無數燒毀民居殆盡本處

官兵不能拒敵特來上本請兵先送揭帖到府

淨咄這厮好可惡我國家一統無外便殺了幾

個百姓燒了幾間房屋甚麼大事不看我在此

裡游賞輒敢大驚小怪拿那厮去鎮撫司監候

丑阿呀急驚風撞子個慢郎中衆押丑下副淨

爹爹請寬飲送酒介

**前腔**淨新篁翠葆搖簾動南薰透紈扇長閑汗透

香肌少凭欄凝盼久謾遊遨看幽鳥高低戲柳稍

笙歌斷續歡聲沸何處龍舟競盡橈開懷抱副淨

爹爹便是海寇也與我何與淨那知顰鼓海上

起波濤合前外上跪介通政司差官見老爺淨為

何事外浙江蘇松等處奏稱倭寇斬入內地請



兵勦捕已到本司掛號趙爺差小的預報老爺知道淨你去教趙爺分付各處奏本舍人不得妄進驚動天威待我入朝逕將本到我閣下我自  
自有處外應下淨樂飲一日我已醉了收拾回去罷衆盡船簫鼓人羅綺十里橫塘載月歸稟老爺已到府門首了淨那一簇是甚麼人衆是衆官作晚揖的淨分付他散去罷內應介

出隊子

老旦扮內臣賚本上

邊塵驚報邊塵驚報

親閱丹書下九霄東南土宇盡漂搖傍午徵書已

頻到要選能臣勦逐海妖旨下

二淨跪介老旦聖

旨道據南京科道奏稱倭寇攻陷城池殺戮萬

姓此非小變何不早聞着太學士與該部會同

推舉文臣總制督兵勦滅母遺後患二淨萬歲

萬歲萬萬歲老旦對淨老太師此非小事不可

再緩淨欽依旨命老旦告辭了盡我蟬寇傳內

命任他虎節去專征下介淨可惡這些科道把

本兒逕到御前我正好快活教我又將此事縈

心倘舉薦非人不能成功如何是好副淨爹爹

千里專征責任非小倘薦一智謀勇畧之臣成  
功回來皇上必加殊遇爵位既尊必不受制於  
我並寵爭權之日難保必無以孩兒之見不若  
就勅趙文華總制浙直等處督兵勦賊幸而成  
功是我腹心爪牙之士將相同心永無後患不  
幸無功他有應變之才必善彌縫之計或廣求  
些首級或偽報些軍功朦朧奏上着他班師豈  
有舉薦非人之慮且還有一件好處

處

副淨

江南富貴繁華趙公一去可保金銀寶

淨

甚麼好

玩滿載而歸少不得一半是我家的

淨笑介孩

兒明日就陞我趙文華爲兵部尚書勅他總制  
江南水陸遠近官兵聽憑調用便了

鎖南枝聞兵燹選俊豪文華特命仗旌旄心腹作  
爪牙威權屬清要只願他去之時呵風從虎雨助  
蛟奮英雄展天造

前腔

副淨

爹爹他無方畧非勇驍喜他才智彌縫

好赤子弄潢池何須命龔老只願他班師早功績  
高那時呵沐恩光並榮耀



淨丹書飛下選賢能

副保薦同心一體人

淨謾說獻俘歸海上

淨且看金帛入吾門

第二十一齣

丑領衆上

喬八分腰懸金印氣英豪耀日旌旗間寶刀長驅  
水陸駕波濤先聲後實直搗向倭巢少壯曾無汗  
馬功止因權要拜元戎提兵且玩江南景那管  
民財盡劫空我趙文華素無龍韜豹畧之才遠  
統蟻集蜂屯之衆人皆道我任大責重不堪其  
憂却不知我隨機應變自得其法我聞得海上

倭賊利害自去廝殺不成只是調兵遣將罰罪  
賞功而已幸而成功歸功於我不幸無功當廣  
求些首級亦可塞責况我朝內有人邊功易奏  
豈有他虞衆將官聽我號令

衆應介丑隊伍務

要齊整器械務要鮮明糧草務要接濟先聲務  
要驚人沿途迎接將官贊禮重者容他相見輕  
者發在軍前聽調驛中所脩供帳鋪陳動用酒  
器不整齊者以爲不敬論百姓犯我軍令者梟  
首起程前去

金錢花 貔貅百萬雄 驍雄驍 轅門號令聲高聲高

金戈鐵馬出王朝 合 弓上矢 鞘離刀 魍魎避鬼神

號魍魎避鬼神號 衆 稟老爺已到蘇松地方了 丑

且扎住人馬待我行牌到各府州縣吊取金銀

先賞三軍然後出兵 衆 稟老爺官軍利於海戰

故將官出兵必先祭東海龍王自然取勝老爺

到此也要祭海 丑 祭海用何禮物 衆 用猪羊四

十副金銀酒器一箱誦經和尚一名 丑 祭過了

這東西何用 衆 猪羊分賞衆軍酒器留在老爺

公用 丑 笑介 有理有理且到杭州去祭了罷 衆

就要出兵等不得到杭州 丑 你不曉得杭州近

我家裡這些猪頭羊頭好醃回去當菜蔬吃 衆

老爺這個是小事不如快祭了多取得幾個倭

頭少不得每顆值五十兩銀子 丑 說得有理快

脩祭禮來 衆 祭禮已脩完多時和尚也在轅門

外聽候 丑 換進來 衆 末抬祭禮淨扮和尚上送

祭禮官告進 淨 祭海誦經僧人見老爺 丑 起來

既已完脩就此起程到海上去



前腔悠悠旌旆飄搖飄搖聲聲金鼓齊敲齊敲  
艦巨艦駕雲濤合登海岸祭龍蛟星斗戰岳山搖

星斗戰岳山搖衆此處已是海船上祭卓已擺完

丑擺作跌介左右扶丑介淨請爺爺拈香小

僧禱告丑拈香介淨挽誦子雲淡風輕近年天

將軍出海駕樓船胸中不識韜和畧祭告龍神

只靠個天南無東海大龍王八萬金剛佛菩薩

內吹波鏗吶喊介丑這是甚麼聲衆倭船上會

丑驚介好怕人也淨請爺爺拈三炷香丑拈

香揖介淨挽誦子三月殘花落更開三軍結束

出兵來平生不習得刀鎗法只願倭頭滾得來

南無東海大龍王八萬金剛佛菩薩內鳴鑼吶

喊介丑驚掩耳介這是甚麼响衆是倭船上殺

人丑不殺到這裡來麼衆尚遠在此老爺放心

淨請爺爺拈第三炷香丑特落香介淨拋誦子

金爐香燼漏聲殘聽得波羅陣陣寒來時弗見

個倭夷面只要金銀滿載還南無東海大龍王

四萬金剛佛菩薩衆這和尚方纔念八萬金剛

如今念四萬如何少了一半淨你不曉得這一

半是冒支官糧的虛兵恐怕爺爺點名故不敢

念衆祭告已畢請老爺回船丑既祭畢了把那

老和尚開刀罷衆那介淨喊爺爺小僧是有功

之人怎麼到把來開刀丑常人有言未過江要

做千僧功德過了江把和尚就煮來吃今日海

又祭了不殺了你要你做甚麼且把你頭來充

做倭頭也值五十兩銀子淨爺爺饒了小僧有

個大好處丑甚麼好處淨小僧是戒壇上住持

管下五百雲游和尚待小僧率領前來充作倭

兵幸而取勝不要說起若不勝那時獻首盡作

倭頭到有一萬五千兩銀子丑說得有理快放

了笑介淨爺爺若把我和尚上下兩頭算起來

到滿了三萬兩也不可丑走好無狀淨好無

耻下衆軍士聽我分付水兵停泊東海大洋

且待倭寇劫掠滿載那時邀截可以人財兩得

衆應丑陸兵沿路巡哨遇倭斬倭若無真倭就

殺幾個疲孽殘疾面生可疑的百姓亦可假充



要賞衆應丑我兒只是件不要殺蘇州人衆

爲何丑他有記色頭髮都是空心的那裡像個

倭頭且收船入港甚無却幾海河以人相兩臂

前腔天生當世雄英雄豪提兵不用心勞心勞從

今一祭息風濤合看夷虜退喚回朝金滿載任逍

遙金滿載任逍遙內奏軍樂衆齊下

對題臣等一萬正午雨殿千內猶掛亦野火效

鳴鳳記上終雲燕內尚料小內華寶內前來內武內



